

卷三 虛損 虛煩 中風 附虛心驚悸

婦科 心腹痛 惡露 下痢

雜治

附癥瘕

卷四 補益 月水不通 赤白帶下

月水不調

千金要方

附衍義

寄鷗署



婦人方中凡八類

虛損第十

論一首二條方二十首

論曰婦人非止臨產須憂至於產後大須將慎危篤之至其在於斯勿以產時無他乃縱心恣意無所不犯犯時微若秋毫感病廣於嵩岱何則產後之病難治於餘病也婦人產訖五藏虛羸惟得將補不可轉瀉若其有病不須缺藥若行缺藥轉更增虛就中更虛向生路遠所以產後百日以來極須慙懃愛長勿縱心犯觸及卽便行房若有所犯必身反強直猶如角弓反張名曰蓐風則是其犯候也若似角弓命同轉燭凡百女人宜好思之苟或有微不慎戲笑作病一朝困臥控告無所縱多出財寶遍處求醫醫者未必解此縱得醫來大命已去何處追尋學者於此一方大須精熟不可同於常方耳特忌土廁便利室中盆上佳 凡產後滿百日乃可合會不爾至死虛羸百病滋長慎之 凡婦人皆患風氣膈下虛冷莫不由此早行房故也 凡產後七日內惡血未盡不可服湯候臍下塊散乃進羊肉湯有痛甚切者不在此例候三兩日消息可服澤蘭丸比至滿月丸盡爲佳不爾虛損不可平復也全極消瘦不可救者服五石澤蘭丸凡在蓐須服澤蘭丸補之服法必七日外不得早服也 凡婦人因暑月產乳取涼太多得風冷腹中積聚百病競起迄至於老百方治不能瘥桃

仁煎主之出蓐後服之婦人縱令無病每至秋冬須服一兩劑以至年內將常服之佳

四順理中圓 產訖可服此方 甘草 人參 白朮 乾薑各一兩 右四味爲末蜜和丸如梧子大服十九

稍增至二十九丸新生藏虛所以養藏氣也

〔衍義〕理中加以四順之銜以太陰手足自溫雖有虛寒祇宜理中溫之非少陰四逆之比產後諸虛必先溫養脾氣脾氣健運則飲食有常氣血無滯何憚瘀垢之不順趨於下哉

桃仁煎 治婦人產後百疾諸氣補益悅澤方 桃仁一千二百枚搗令細熟以上好酒一斗五升研漚三四遍如作麥粥法以極細爲佳內長項瓷瓶中密塞以麩封之內湯中煮一伏時不停火亦勿令火猛使瓶口常出在湯上無令沉沒熟訖出溫酒服一合日再雖丈夫亦可服也

〔衍義〕桃仁雖能逐瘀然隨烏藥莪則專於破血隨芎歸芍藥則相胥和血若單用一味破之與和惟在多用少用之間兼之以酒爲產後和血聖藥但所稟柔脆坐草無傷無所留滯者不在此例

石斛地黃煎 治婦人虛羸短氣胸逆滿悶風氣方 石斛 甘草 紫苑各四兩 桃仁半升 桂心二兩 大黃八兩

兩麥門冬二升 茯苓一升 生地黃汁 醇酒各八升 右十味爲末於銅器中炭火上熬內鹿角膠一斤耗得

一半次內飴三斤白蜜三升和調更於銅器中釜上煎微耗以生竹攪無令著耗令相得藥成先食酒服如彈子一丸日三不知稍加至二丸 一方用人參三兩

〔衍義〕虛羸短氣而用地黃門冬舉世之通套用桂心大黃近世所未聞須知地黃門冬得桂心則滋而不滯桂心得大黃則宣而遂通鹿角膠醇酒飴糖白蜜等溫養精血之味咸得辛溫敷布之力羣行補劑之中雖有一味大黃祇能行滯斷無泄瀉之理譬如列坐皆端直卽有一匪人亦必隨之而向化矣

地黃羊脂煎 治婦人產後欲令肥白飲食平調方 生地黃汁一斗 生薑汁 白蜜各五升 羊脂二斤 右四

味先煎地黃令得五升次內羊脂合煎減半內薑汁復煎令減合蜜著銅器中煎如飴取鷄子大一枚投熟酒中服日三

〔衍義〕地黃純陰滋膩能治傷中淋露羊脂性溫益津能固腸胃虛脫蜂蜜解毒和中能除心腹邪氣以產母素稟燥熱故聚潤劑以滋之薑汁辛散專行三味之膩也

地黃酒 治產後百病未產前一月當預釀之產訖中服之方 地黃汁一升 好麴 好米各二升 右三味

先以地黃汁漬麴令發準家法醞之至熟封七日取清服之常使酒氣相接勿令斷絕慎生冷酢滑豬雞魚一切婦人皆須忌之但夏三月熱不可合春秋冬並得合服地黃并滓內米中炊合用之一石十石一準此一升爲率先服羊肉當歸湯三劑乃服之佳

〔衍義〕地黃寒滯得麴發之滋養血虛之良法不當以藥例之

羊肉湯 治產後虛羸喘乏自汗出腹中絞痛方 肥羊肉去脂 葱白 桂心 甘草各一兩 芎藭三兩 母祕錄

作豉子母祕錄 生薑各四兩 乾地黄五兩 右八味咬咀以水一斗半先煮肉取七升去肉內餘藥煮取

三升去滓分三服不瘥重作翼方有葱白一斤

〔衍義〕金匱當歸生薑羊肉湯為產後腹中疝痛之聖藥即寒痼小腹結痛亦得用之況合四物以調其血

加桂以通其滯用甘草者以緩薑桂之急也緩急得宜攻補兼濟非深入金匱之奧何以及此

猪腎湯 治產後虛羸喘乏乍寒乍熱如瘧狀名羸勞方 猪腎去脂剖一具 香豉綿裹 白粳米 葱白各一兩 右

四味以水三斗煮取五升去滓任情服之不瘥更作廣濟方有人參當歸各二兩為六味

〔衍義〕產後百脉皆虛風易感每致虛羸喘乏寒熱如瘧故取葱白香豉湯加猪腎以安其腎粳米以安

其胃并調先後二天即無虛風亦無妨礙金匱旋覆花湯中用葱白未嘗為風而設

羊肉黃耆湯 治產後虛之補益方 羊肉三斤 黃耆三兩 大棗三十枚 茯苓 甘草 當歸 桂心 麥門冬

乾地黄各二兩 芍藥各二兩 右十味咬咀以水二斗煮羊肉取一斗去肉內諸藥煎取二升去滓分三服日三

〔衍義〕前羊肉湯以有腹中絞痛故用薑芎之辛以散之此無腹中絞痛專宜補虛故用黃耆茯苓門冬大

棗滋養營氣可無藉於辛散也

鹿肉湯 治產後虛羸勞損補之方 鹿肉四斤 乾地黄 甘草 芎藭 黃耆 芍藥 麥門冬 茯苓各二兩

兩入參 當歸 生薑各一兩 半夏一升 大棗二十枚 右十三味咬咀以水二十五升煮肉取一斗三升去

肉內藥煎取五升去滓分四服日三夜一

〔衍義〕鹿肉湯合羊肉黃耆湯以鹿易羊更加人參半夏健運中氣鹿肉填補督腎洵為產後虛羸勞損之神丹專於婦人科者急須著眼

麀骨湯 治產後虛之五勞七傷虛損不足藏府冷熱不調方 麀骨一骨遠志 黃耆 芍藥 乾薑 防

風 茯苓 原朴各三兩 當歸 橘皮 甘草 獨活 芎藭各二兩 桂心 四兩 生薑 四兩 右十五味㕮咀以

水三斗煮麀骨取二斗去骨內藥煎取五升去滓分五服

〔衍義〕產後虛羸祇宜溫養一切苦寒切不可犯方中桂心芍藥專和寒熱不調餘皆健脾和營之品惟麀骨一味為堅強筋骨克復勞傷之藥惜乎世鮮知用也

當歸芍藥湯 治產後虛損逆害飲食方 當歸一兩 芍藥 人參 桂心 生薑 乾地黄 甘草各一兩

棗二十枚 右八味㕮咀以水七升煮取三升去滓分三服日三

〔衍義〕此以內補建中湯除去膠飴易入人參地黃平調血氣雖有虛羸寒熱無不可治豈特逆知飲食而已哉

已哉

杏仁湯 治產後氣虛方 杏仁 橘皮 白前 人參各三兩 蘇葉 半夏各一升 桂心 四兩 生薑 十兩 麥門冬

二兩 右九味㕮咀以水一斗二升煮取三升半去滓分五服

〔衍義〕產後浮腫喘乏總屬氣虛風襲之故故效金匱大半夏湯之法參以蘇杏白前疎風利氣之品又以桂半性燥以門冬濟之與大橘皮湯用蜜不殊蘇杏耗氣以人參固之較大橘皮湯用意稍別

治婦人產後上氣責豚積勞藏氣不足胸中煩躁關元以下如懷五千錢狀方 厚朴 桂心 當歸 細辛

芍藥 石膏 桔梗各三兩 甘草 黃芩 澤瀉各二兩 吳茱萸五兩千金翼作大黃 乾地黃 四兩 乾薑 一兩 右十三味

啜咀以水一斗二升煮取三升去滓分三服服三劑佳

〔衍義〕婦身素有責豚氣以病不在子藏故仍能受胎受胎之後又不慎勞動產後胸煩上氣殆所不免氣既上逆惡露不無阻滯所以臍下重墜方用厚朴破血中滯氣桂心當歸散臍下積結芍藥地黃除血痹寒熱細辛逐竅祛陰邪茱萸乾薑下逆氣通痺桔梗開胸中煩躁石膏甘草散寒熱逆氣於上黃芩澤瀉逐水下血閉於下地黃芍藥得桂心乾薑之辛散可無阻血之虞茱萸細辛得石膏黃芩之寒化可無助熱之患任熱邪固結則當從翼方退茱萸而進大黃要在量人所稟之偏勝而為調適其宜可也

乳蜜湯 治產後七傷虛損少氣不足并腎勞寒冷補氣方 牛乳七升惡則用羊乳 白蜜一分半 當歸 人參 獨活

各三兩 大棗二十枚 甘草 桂心各二兩 右八味啜咀諸藥以乳蜜中煮取三升去滓分四服

〔衍義〕產後亡血過多而致腎虛風闕故需參歸桂心溫養血氣兼取獨活搜風乳蜜潤燥甘草大棗調和脾胃之津氣惟脾虛食少便澇者禁用

五石湯 治產後虛冷七傷時寒熱體痛乏力補腎治百病方 紫石英 鍾乳 白石英 赤石脂 石膏

茯苓 白朮 桂心 芎藭 甘草各二兩 薤白六兩 人參 當歸各三兩 生薑八兩 大棗十枚 右十五味五

石並為末諸藥各咀以水一斗二升煮取三升六合去滓分六服若中風加葛根獨活各二兩下痢加龍

骨一兩

三石湯 主百病如前方 紫石英 生薑 當歸 人參 甘草各二兩 白石英 鍾乳各二兩 茯苓 乾地黄

桂心各三兩 半夏五兩 大棗十五枚 右十二味三石為末咀諸藥以水一斗五升煮取三升去滓分四服若

中風加葛根四兩

〔衍義〕產後虛冷多緣臨蓐血氣過傷不但寒熱體痛必然崩脫不止乃致清陽下溜濁陰上逆故用紫白

石英鍾乳石脂固脫參苓朮草益氣芎藭桂心調血石膏薤白除膈上濁邪生薑大棗和營衛寒熱與第五

卷風門中五石湯皆風引湯之發派 三石湯與五石湯主治如前然必病勢稍輕或元氣素弱故不用乳

朮之相激石脂之固脫石膏之標進用地黃即五石湯中芎藭之義半夏即薤白之義方後云中風加葛根

與五石湯二方不異

內補黃耆湯 治婦人七傷身體疼痛小腹急滿面目黃黑不能飲食并諸虛之不足少氣心悸不安方 黃

耆 當歸 芍藥 乾地黄 半夏各三兩 茯苓 人參 桂心 遠志 麥門冬 甘草 五味子 白朮

澤瀉各二兩 乾薑四兩 大棗三十枚 右十六味咬咀以水一斗煮取三升去滓一服五合日三夜一服

〔衍義〕此內補建中合保元四君而易乾薑溫中益氣加地黃療傷中逐血半夏治胸腹急痛遠志門冬除心悸不安澤瀉通膀胱氣化五味子收腎藏之津氣也

吳茱萸湯 治產後虛羸盜汗瀟瀟惡寒方 吳茱萸三兩以清酒三升漬一宿煮如蟻鼻沸減得二升許半分之頓服一升日再間日再作服亦治產後腹中疾痛

〔衍義〕產後虛羸盜汗良由血氣虛冷濁陰擾亂於中生陽不能自固所以瀟瀟惡寒當非太陽中風宜和營衛之比故但取專走厥陰溫中下氣之吳茱萸借清酒漬煮外充腠理以散在表之陰邪內溫藏府以固在裏之津液此與桂枝湯治自汗之法迥乎角立

猪膏煎 治產後體虛寒熱自汗出方 猪膏 生薑汁 白蜜各一升 清酒五合 右四味煎令調和五上下膏成隨意以酒服方寸匕

〔衍義〕產後體虛寒熱且自汗多而津液外泄久之大便溏難所以專取猪膏蜜酒之潤以滋腸胃之枯槁此惟脾約便秘者為宜若病人舊有微溏者禁用

鯉魚湯 治婦人體盈流汗不止或時盜汗方 鯉魚二斤 葱白切各一升 乾薑 桂心各二兩 右五味咬咀三物以水一斗煮魚取六升去魚肉諸藥微火煮取二升去滓分二服取微汗即愈勿用生魚

〔衍義〕河間云鯉之治水驚之利水因其氣相感也鯉專治水而體豐多汗盜汗用之者以其能散週身濕熱之氣也更兼香豉專解陰邪葱白專通陽氣乾薑出汗逐風桂心和營散邪邪散表實無復自汗盜汗之虞矣

桂枝附子湯 治產後風虛汗出不止小便難四肢微急難以屈伸者方 桂枝 芍藥 生薑各三兩 甘草 一

兩半 附子 一枚 大棗 二十枚 右六味咬咀以水七升煮取三升分三服

〔衍義〕桂枝湯本風傷衛之專藥小便澹難亦得用之者以其多汗傷津之故良非太陽犯本之比且見四肢微急非附子不能利其屈伸原本太陽例中病證象陽且因加附子參其間增桂令汗出之法總由腎臟陽虛所致在產後亡陽多汗尤為合轍

虛煩第十一方十一首

薤白湯 治產後胸中煩熱逆氣方 薤白 半夏 甘草 人參 知母各二兩 石膏四兩 栝蔞根三兩 麥門

冬半升 右八味咬咀以水一斗三升煮取四升去滓分五服日三夜二熱甚即加石膏知母各一兩

〔衍義〕虛煩懊懣與胸痹所爭一問虛痰痹著而痛則謂胸痹虛火擾亂不寧則為虛煩此因痰火交混而煩熱氣逆故借胸痹薤白湯法參入竹葉石膏劑中庶痰之與火各得其平乃治虛煩之變法仍治懊懣之

正治也

竹根湯 治產後虛煩方 甘竹根細切一斗五升以水二斗煮取七升去滓內小麥二升大棗三十枚復煮麥熟三四沸內甘草一兩麥門冬一升湯成去滓服五合不瘥更服取瘥短氣亦服之

〔衍義〕產後虛煩不勝湯藥但以甘竹清胃火小麥斂肝氣大棗益脾津門冬滋肺熱使火無上炎之勢胸無煩擾之患矣用根不用葉者取其降泄直達下焦也

人參當歸湯 治產後煩悶不安方 人參 當歸 麥門冬 乾地黄 桂心各一兩 大棗二十枚 粳米一升芍

藥四兩淡竹葉三升 右九味咬咀以水一斗二升先煮竹葉及米取八升去滓內藥煮取三升去滓分三

服若煩悶不安者當取豉一升以水三斗煮取一升盡服之甚良

〔衍義〕此以氣血兩虛虛火上炎而煩悶不安故用人參大棗以益氣歸芍地黄以滋血竹葉門冬粳米以

除煩用桂心者專攝上炎之火也

甘竹茹湯 治產後內虛煩熱短氣方 甘竹茹一升人參一兩茯苓 甘草各二兩 黃芩三兩 右五味咬咀

以水六升煮取二升去滓分三服日三

〔衍義〕產後而見煩熱短氣急宜清補為先方中人參茯苓專補心虛甘草專益胃氣竹茹黃芩兼清內外

之熱如無外熱黃芩可無用也

知母湯 治產後乍寒乍熱通身温壯胸心煩悶方 知母三兩芍藥 黃芩各二兩 桂心 甘草各一兩 右五

味啞咀以水五升煮取二升半分三服 一方不用桂心加生地

〔衍義〕知母芍藥黃芩統治內外之熱妙用尤在桂心辛散不獨收攝上炎之火且使上三味無渴閉之虞更以甘草和其寒熱煩悶自除矣

竹葉湯 治產後心中煩悶不解方 生淡竹葉 麥門冬各一升 甘草二兩 生薑 茯苓各三兩 大棗十四枚 小麥

三合 右七味啞咀以水一斗先煮竹葉小麥取八升內諸藥煮取三升去滓分三服若心中虛悸者加人

參二兩其人食少無穀氣者加粳米五合氣逆者加半夏二兩

淡竹茹湯 治產後虛煩頭痛短氣欲絕心中悶亂不解方 生淡竹茹一升 麥門冬 小麥各五合 甘草一兩

生薑三兩產實用乾葛 大棗十四枚產實用石膏三兩 右六味啞咀以水一斗煮竹茹小麥米八升去滓內諸藥煮取二升去

滓分二服羸人分作三服若有人參入一兩若無人參內茯苓一兩半亦佳人參茯苓皆治心煩悶及心虛

驚悸安定精神有則為良無自依方服一劑不瘥更作若氣逆者加半夏二兩

〔衍義〕產後雖無短氣悶亂亦無妨於補益竹葉竹茹一清肺一清胃脾胃本相接壤津氣貫通但以胃熱

上蒸而頭痛卽用竹茹肺熱內蘊而煩心則用竹葉佐以茯苓使之下泄也但虛極必內人參氣逆而嘔並

用半夏二方之功用髣髴可知

赤小豆散 治產後煩悶不能食虛滿方 赤小豆三七枚燒作末以溫水和頓服之良

蒲黃散 治產後煩悶方 蒲黃以東流水和方寸匕服極良

〔衍義〕赤小豆燒之不特清火兼可消瘀蒲黃生用功專逐血也

蜀漆湯 治產後虛熱往來心胸煩滿骨節疼痛及頭痛壯熱晡時輒甚又如微瘧方 蜀漆葉 桂心 甘

草 黃芩各一兩 黃耆五兩 知母 芍藥各二兩 生地黃一斤 右八味咀以水一斗煮取三升分三服治寒

熱不傷人

〔衍義〕草蓐中發露得風因而虛熱煩滿晡時輒甚頗有似乎瘧狀故借瘧症門中蜀漆以療之蜀漆性劣
耆草和之芩知性寒桂心散之地黃芍藥專清血分之熱也

芍藥湯 治產後虛熱頭痛方 白芍藥 乾地黃 牡蠣各五兩 桂心三兩 右四味咀以水一斗煮取二

升半去滓分三服日三此湯不傷損人無毒亦治腹中拘急痛若過身發熱加黃芩二兩

〔衍義〕產後虛熱虛煩渾是虛火上炎之候芍藥地黃專清血熱恐其閉拒乃以桂心散之牡蠣能解虛熱
上蒸之頭痛以其鹹降也通身發熱加黃芩以黃芩爲少陽經藥表裏風熱皆得用也

中風第十二論一首 方三十首

論曰凡產後角弓反張及諸風病不得用毒藥惟宜單行一兩味亦不得大發汗特忌轉瀉吐利必死無疑大
豆紫湯產後大善

大豆紫湯 治產後百病及中風痺痿或背強口噤或但煩熱若渴或頭身皆重或身癢劇者嘔逆直視此皆

因虛風冷濕及勞傷所爲方 大豆五升清酒一斗 右二味以鐵錘猛火熬豆令極熱焦煙出以酒沃之

去滓服一升日夜數服服盡更合小汗則愈一以去風二則消血結如妊娠傷折胎死在腹中三日服此酒

卽瘥

〔衍義〕黑大豆去風活血更兼酒沃通行經絡產前產後一切虛風關節不利等證無不宜之宜乎千金首推也

獨活紫湯 治產後百口中風瘳口噤不開并治血氣痛勞傷補腎方 獨活一斤大豆五升舊酒三升 右

三味先以酒漬獨活再宿若急須微火煮之令減三升去滓別熬大豆極焦使煙出以獨活酒沃之去豆服

一升日三夜二

〔衍義〕獨活專祛風毒加於大豆紫湯中製其苦燥之性深得剛柔兼濟之妙用終嫌燥血須百日用之若新產暴虛恐非所宜

小獨活湯 治如前狀方 獨活半斤葛根 生薑各六兩 甘草二兩 右四味咬咀以水九升煮取三升去滓

分四服微汁佳

〔衍義〕此純用風藥僅可施於藜藿之人若高梁柔脆諒不處是方也

甘草湯 治在尊中風背強不得轉動名曰風痙方 甘草 乾地黃 麥門冬 麻黃各十兩 栝樓根 芎藭

黃芩各三兩 杏仁五十枚 葛根 半斤 右九味咬咀以水一斗五升酒五升合煮葛根取八升去滓內諸藥煮取

三升去滓分再服一劑不瘥更合良翼方崔氏有前胡三兩

〔衍義〕所中風毒最重見證最急不得不以重劑發之略兼滋血潤燥可也不當以產後新虛而致失治也

獨活湯 治產後中風口噤不能言方 獨活 生薑各五兩 防風 秦朮 桂心 白朮 甘草 當歸 附

子各三兩 葛根 二兩 防己 一兩 右十一味咬咀以水一斗二升煮取三升去滓分三服

〔衍義〕前甘草湯治背強不能轉動純見太陽表證故用麻黃葛根以太陽之經行身後也此治口噤不能

言純見少陰風證故用附子獨活以少陰之脈循喉嚨也風濕流泊非防己防風桂心白朮無以祛之兩不

移易之定法也

雞糞酒 治產後中風及百病并男子中一切風神効方 雞糞一升熬令黃 豆一升熬令聲絕勿焦 右二味以清酒三升

半先淋雞糞次淋豆取汁一服一升溫服取汗病重者凡四五日服之無不愈

〔衍義〕內經用雞矢醴治心腹滿脹此用雞矢醴療產後中風全在黑豆淋酒取汗之力雞屬巽而祛風糞

屬穢而祛惡也

竹葉湯 治產後中風發熱面正赤喘氣頭痛方 淡竹葉 一握 葛根 三兩 防風 二兩 桔梗 甘草 人參

桂心各一兩 大附子一枚 生薑五兩 大棗十五枚 右十味咬咀以水一斗煮取二升半去滓分三服日三溫覆

使汗出若頸項強者用大附子若嘔者加半夏四兩

〔衍義〕產後中風發熱面赤戴陽為患最急急進辛溫救本之藥庶陽不致上逆風熱不致內攻若誤認陽

明病面合赤色純行解肌不旋踵而告變矣

防風湯

治產後中風背急短氣

千金翼作裏急短氣

防風

獨活

葛根

各五兩

當歸

芍藥

人參

甘草

乾薑

各二兩

右八味咬咀以水九升煮取三升去滓分三服日三

〔衍義〕背急表實可驗短氣內虛可憑故以人參輔正祛邪一舉而兩得其平非若虛陽上逆竹葉湯之兩

難分解也千金翼作裏急短氣若作裏急恐非防葛可治也

鹿肉湯

治產後風虛頭痛壯熱言語邪僻方

鹿肉三斤芍藥

獨活

秦朮

黃芩

黃芪

半夏一升

乾地黄

桂心

各二兩

生薑六兩

甘草

各一兩

阿膠

各一兩

茯苓

千金翼作茯神

人參

各四兩

右十五味咬咀以水二

斗煮肉得一斗二升去肉內藥煎三升去滓內膠令烱分四服日三夜一

〔衍義〕產後為虛風所襲非峻培氣血助其祛風之力弗克有濟若疑其有客邪不敢用補而與疎表之劑

則氣隨藥脫雖有九還救無及矣即使用補尚恐草木無情不能速為取效故取血肉之味稍兼獨活秦朮

鼓舞參芪之性不但助力祛邪并杜虛風復入真補中寓瀉之良法也

獨活湯 治產後中風方 獨活一斤 桂心二兩 秦朮五兩 右三味咬咀以酒一斗半漬三日飲五合稍加

至一升不能多飲隨性服

〔衍義〕三味漬之以酒流動血脈虛風無復可留矣

大豆湯 治產後卒中風發病倒悶不知人及妊娠挾風兼治在尊諸疾方 大豆五升炒 葛根令微焦 獨活各八兩

防己六兩 右四味咬咀以酒一斗二升煮豆取八升去滓內藥煮取四升去滓分六服日四夜二

〔衍義〕獨活祛風防己逐濕葛根解肌不得大豆紫湯何以司血氣之開闔

五石湯 治產後卒中風發疾口噤倒悶吐沫愆眩冒不知人及濕痹緩弱身體痠痛妊娠百病方 紫石英

三兩 鍾乳 赤石脂 石膏 白石英 牡蠣 人參 黃芩 白朮 甘草 栝蠹根 芎藭 桂心

防己 當歸 乾薑各二兩 獨活三兩 葛根四兩 右十八味末五石咬咀諸藥以水一斗四升煮取三升半

分五服日三夜二 一方有滑石寒水石各二兩聚二十枚

四石湯 治產後卒中風發疾口噤痲痺悶滿不知人并緩急諸風毒痺身體痠強及挾胎中風婦人百病方

紫石英 白石英 石膏 赤石脂各三兩 獨活 生薑各六兩 葛根四兩 桂心 芎藭 甘草 芍藥 黃芩

各二兩 右十二味咬咀以水一斗二升煮取三升半去滓分五服

〔衍義〕產後非極虛寒何致卒然口噤五石湯治證最劇急需鍾乳白朮相反之性激發二英脂膏薑桂人

神參奮力祛風則防已獨活方克有濟 四石湯治證彷彿而本氣不致於傷憊者於前方裁去鍾乳白朮之反對并去人參當歸防已牡蠣栝藹等味但加芍藥生薑所爭無幾而緩急輕重天淵

小柴胡湯 治婦人在尊得風蓋四肢苦煩熱皆自發露所為若頭不痛但煩熱與三物黃芩湯頭痛與小柴

胡湯方 柴胡半斤黃芩 人參 甘草各三兩 生薑二兩大棗十二枚 半夏半斤 右七味咬咀以水一斗二

升煮取六升去滓每服一升日三服

三物黃芩湯方 黃芩 苦參各二兩 乾地黄四兩 右三味咬咀以水八升煮取二升去滓適寒溫服一升日

二多吐下蟲

〔衍義〕邪在表裏之間而見煩熱頭痛舍小柴胡別無良法若但煩熱而無頭痛知風熱已陷血分止宜黃

芩清解外內之風熱苦參搜滌伏陷之濕熱地黄滋化血中之伏火服後多吐下蟲積者以蟲乘熱上膈得

苦寒降泄則伏而不動往往隨藥而出也

甘草湯 治產後腹中傷絕寒熱恍惚狂言見鬼此病中風內絕藏氣虛所為方 甘草 芍藥各五兩 羊肉二

斤通草三兩產寶用當歸 右四味咬咀以水一斗六升煮肉取一斗去肉內藥煮取三升去滓分五服日三夜二

羊肉湯 治產後中風久絕不產月水不利仁赤仁白及男子虛勞冷甚方 羊肉二斤成繹大蒜去皮 香豉

各三升 右三味以水一斗三升煮取五升去滓內酥一升更煮取三升分溫三服

〔衍義〕太陽病服陽旦湯惡寒脚攣急服甘草乾薑湯厥愈足温更作芍藥甘草湯與之其脚卽伸產後腹中疴痛主以當歸生薑羊肉湯此治產後腹中傷絕寒熱暴病乃獨取羊肉温補精血芍藥甘草護持營氣則傷絕可復寒熱可除用通草者通達氣化之阻絕也產寶易當歸通血室之阻絕也 羊肉湯治風入胞門固疾故用饒蒜瀾惡之味與羊肉香鼓同煮以蒜能辟除惡氣鼓能解散穢腐更內乳酥之潤引領痰垢下趨當歸生薑羊肉湯之變法也

葛根湯 治產後中風口噤瘧痺氣息迫急眩冒困頓并產後諸疾方 葛根 生薑各六兩 獨活四兩 當歸三兩

兩甘草 桂心 茯苓 石膏 人參 白朮 芎藭 防風各二兩 右十二味咬咀以水一斗二升煮取

三升去滓分三服日三

〔衍義〕產後中風口噤瘧痺雖用芎防葛獨膏薑愈風之品不得苓桂朮甘四君子等藥無以逞其功用也

醫之工拙於此可徵

防風酒 治產後中風方 防風 獨活各一斤 女萎 桂心各三兩 茵芋一兩 石斛五兩 右六味咬咀以酒二

斗漬三宿初服一合稍加至三四合日二

治產後中柔風舉體疼痛自汗出者及餘百疾方 獨活八兩 當歸四兩 右二味咬咀以酒八升煮取四升

去滓分四服日三夜一取微汗葛氏單用獨活小品加當歸若上氣者加桂心二兩不遑更作

木防己膏 治產後中風方 木防己半斤 茵芋五兩 右二味咬咀以苦酒九升漬一宿猪膏四升煎三上

三下膏成灸手摩于遍癢

浴湯 治產後中風流腫方 鹽五斤熬 雞毛一把燒 右二味以水一石煮鹽作湯內雞毛灰著湯中適冷

暖以浴大良又浴婦人陰冷腫痛凡風腫面欲裂破者以紫湯一服癢神效紫湯即前大豆紫湯

〔衍義〕產後中風而用獨活茵芋等味柔風而用獨活當歸漬酒皆背城決戰法以圖萬一之倖若生機未

艾者豈別無他法耶至於外用摩膏用浴法不獲已而為之然不若大豆紫湯之妙用虛實逆從總無妨礙

治產後中風頭面手臂通滿方 大豆三升以水六升煮取一升半去豆澄清更煎取一升內白朮八兩附子

獨活各三兩生薑八兩添水一斗煎取五升內好酒五升合煎取五升去滓分五服日三夜二間粥頻服三

劑

〔衍義〕此以朮附湯加獨活生薑入大豆紫湯中非但治方下諸病卽頭風偏正皆得療之

茯神湯 治產後忽苦心中衝悸或志意不定恍恍惚惚言語錯謬心虛所致方 茯神 人參 茯苓 芍

藥 甘草 當歸 桂心各一兩 生薑八兩大棗三十枚 右九味咬咀以水一斗煮取三升去滓分三服日二

夜一良

遠志湯 治產後忽苦心中衝悸不定志意不安言語錯誤惚惚憤憤情不自覺方 遠志 麥門冬 人參

甘草 當歸 桂心各二兩 芍藥一兩 茯苓五兩 生薑六兩 大棗二十枚 右十味咬咀以水一斗煮取三升去

滓分三服日三服者分四服產後得此正是心虛所致無當歸用芍藥若其人心胸逆氣加半夏三兩

茯苓湯 治產後暴苦心悸不定言語錯謬恍惚心中憤憤此皆心虛所致方 茯苓 甘草 芍藥

桂心 當歸各二兩 生薑六兩 麥門冬一升 大棗三十枚 右八味咬咀以水一斗煮取三升去滓分三服日三

無當歸可用芍藥若苦心志不定加人參二兩亦可內遠志二兩若苦煩悶短氣加生竹葉一升先以水一

斗三升煮竹葉取一斗內藥若有微風加獨活三兩麻黃二兩桂心二兩用水一斗五升若頸項苦急背膊

强者加獨活葛根各三兩麻黃桂心各二兩生薑八兩用水一斗半

安心湯 治產後心衝悸不定恍惚不自知覺言語錯誤虛煩短氣志意不定此是心虛所致方 遠志

甘草各二兩 人參 茯苓 當歸 芍藥各三兩 麥門冬一升 大棗三十枚 右八味咬咀以水一斗煮取三升去

滓分三服日三若苦虛煩短氣者加淡竹葉一升水一斗二升煮竹葉取一斗內藥若胸中少氣者加甘草

為三兩善

〔衍義〕金匱有云產後常服建中數劑則諸病不生千金加當歸一味名曰內補當歸建中湯無論有邪無

邪皆可用之以其專力和營也四方皆出內補當歸建中一加參苓神一加參苓冬志一加茯苓門冬一

加參神冬志而不用桂心生薑總主心虛衝悸恍惚錯謬但虛甚必加人參無參多加茯苓志亂則加遠志

神傷須用茯神去桂心生薑者以神氣內耗恐其辛散走津液也觀方下有云無當歸用芎藭及後甘草丸方後云若無澤瀉白朮代之則茯神遠志雖有心腎之分却無上下異治也

甘草圓 治產後心虛不足虛悸心神不安吸吸乏氣或若恍恍惚惚不自知覺者方 甘草 遠志 萹蒲

各三 兩 人參 麥門冬 乾薑 各二 茯苓 各二 澤瀉 桂心 各一 大棗 五十 右十味為末蜜和丸如大豆酒服

二十九日四五服夜再服不知稍加若無澤瀉以白朮代之若胸中冷增乾薑

人參圓 治產後大虛心悸志意不安不自覺恍惚恐畏夜不得眠虛煩少氣方 人參 甘草 茯苓 各三

麥門冬 萹蒲 澤瀉 薯蕷 乾薑 各二 桂心 一兩 大棗 五十 右十味為末以蜜棗膏和丸如梧子未

食酒服二十九日三夜一不知稍增若有遠志內二兩佳若風氣加當歸獨活各三兩亦治男子虛損心悸

大遠志圓 治產後心虛不足心下驚悸志意不安恍恍惚惚腹中拘急痛夜臥不安胸中吸吸少氣內補傷

損益氣安定心神亦治虛損方 遠志 甘草 乾地黄 桂心 茯苓 麥門冬 人參 當歸 白朮

澤瀉 獨活 萹蒲 各三 薯蕷 阿膠 各二 乾薑 四兩 右十五味為末蜜和丸如大豆未食温酒服三十

丸日三不知稍增至五十丸若大虛身體冷少津液加鍾乳三兩為善

〔衍義〕千金用參苓補虛多兼薑桂化熱多兼門冬不獨甘草丸為然萹蒲遠志引領諸味桂心澤瀉淡滲

專導虛熱下泄其人參丸即於甘草丸中退遠志而進薯蕷方下所言有遠志加二兩若風氣加當歸獨活

卽是遠志丸範子歸地膠朮功倍棗膏至於太虛身體冷加鍾乳以對白朮功力未可限量

心腹痛第十三方二十六首

蜀椒湯 治產後心痛此大寒冷所爲方 蜀椒二合芍藥 當歸 半夏 甘草 桂心 人參 茯苓各

兩蜜一斤生薑汁五合 右十味咀咀以水九升煮椒令沸然後內諸藥煮取二升半去滓內薑汁及蜜煎

取三升一服五合漸加至六合禁勿冷食

〔衍義〕產後心腹諸痛總宜溫理血氣內補當歸建中功專和營解邪產後恆宜服之此以本氣虛寒故於

本方加入蜀椒人參茯苓半夏溫散胃家痰氣生薑用汁取其迅速蜜代飴棗不獨安中兼滋桂心半夏之

燥也

大嚴蜜湯 治產後心痛方 乾地黃 當歸 獨活 甘草 芍藥 桂心 細辛 小草各二兩 吳茱萸一

升乾薑三兩 右十味咀咀以水九升煮取三升內蜜五合重煮分三服日三胡洽不用獨活桂心 甘草千金翼不用蜜

〔衍義〕此亦出之建中前以胃氣虛冷故用椒半參苓此以胃寒血燥亦於建中除去飴棗而易蜂蜜不用

薑汁而用乾薑取其力專守中加吳茱萸溫中下氣止痛細辛治咳逆利九竅乾地黃補益安中皆本經主

治也 詳後二十六卷賊風門中大嚴蜜湯無蜂蜜獨活甘草多半脂梔子茯苓小嚴蜜較大嚴蜜無梔子

茯苓多大黃雄黃總取羊脂祛風潤燥實脾和營代此方中蜂蜜以和薑黃辛桂之烈也

地黃湯 治產後兩脅滿痛兼治百病方 乾地黃 芍藥各三兩 當歸 蒲黃各二兩 生薑五兩 桂心六兩 甘草一兩 大棗二十枚 右八味 咀以水一斗 煮取一升半 去滓分三服 日三

〔衍義〕產後雖兩脅滿痛而無寒熱往來知非少陽客邪仍須內補建中加地黃輔佐歸芍和營加蒲黃輔佐桂心散血以肝血不能循經輸運而流入少陽部分故專散血為主

芍藥湯 治產後苦少腹痛方 芍藥六兩 桂心 生薑各三兩 甘草二兩 膠飴八兩 大棗二十枚 右六味 咀

水七升 煮取四升 去滓 內飴 令烱分三服 日三

〔衍義〕腹痛而用建中 南陽先聖治例 千金產後施治 亦不出此

當歸湯 治婦人寒疝虛勞不足若產後腹中絞痛方 當歸 芍藥各二兩 子母 生薑五兩 羊肉一斤

右四味 咀以水八升 煮羊肉熟 取汁 煎藥得三升 適寒溫服七合 日三 用芍藥名小羊肉湯

〔衍義〕金匱治腹中疝痛用當歸生薑羊肉湯辛溫散結其痛立愈凡少腹疝痛用桂心等藥不應者用之

輒効芍藥酸寒為產後禁藥 千金獨取以加入此湯 深得辛甘相配散中寓收之妙 用原從建中悟出 胡洽未達此義

桃仁芍藥湯 治產後腹中疾病方 桃仁半升 芍藥 芎藭 當歸 乾漆 桂心 甘草各一兩 右七味

咀以水八升 煮取三升 分三服

附張路玉生先衍義

千金要方 卷三 十二

〔衍義〕產後惡露不行而痛雖非建中所宜然亦不能捨此於中除去薑棗加入桃仁翳歸乾漆專攻瘀積使無留結之患倘傷殘之餘雖勝峻攻者鯁鯁蟲代用亦無不可

羊肉湯 治產後及傷寒大虛上氣腹痛兼微風方 肥羊肉二斤無羊肉用麀鹿肉代茯苓 黃耆 乾薑各三兩 甘草

獨活 桂心 人參各二兩 麥門冬七合 生地黃五兩 大棗十二枚 右十一味咬咀以水二斗煎肉取一斗去

肉內藥煮取二升半分四服日三夜一千金翼無乾薑

羊肉當歸湯 治產後腹中心下切痛不能食往來寒熱中風乏氣力方 羊肉三斤當歸 黃芩肘後用黃耆

芎藭 防風肘後用人參 甘草各二兩 芍藥三兩 生薑四兩 右八味咬咀以水一斗二升先煮肉減半內餘藥取

三升去滓分三服日三胡洽以黃耆代黃芩白朮代芍藥名大羊肉湯子母祕錄以桂心代防風加大棗十七枚良

羊肉杜仲湯 治產後腰痛欬喘方 羊肉四斤杜仲 紫苑 當歸 白朮 桂心各三兩 五味子 細辛

款冬花 人參 厚朴 芎藭 附子 萆薢 甘草 黃耆各二兩 生薑八兩 大棗三十枚 右十八味咬咀

以水一斗半煮肉取汁一斗五升去肉內藥取三升半去滓分五服日三夜一

羊肉生地黃湯 治產後三日腹痛補中益臟強力消血方 羊肉三斤生地黃切二升 桂心 當歸 甘草

芎藭 人參各二兩 芍藥三兩 右八味咬咀以水二斗煮肉取一斗去肉內藥煎取三升分四服日三夜一

〔衍義〕羊肉湯治產後大虛雖有客邪若行表散元氣立脫故需羊肉氣血之屬煮保元薑棗固本元略取

獨活一味專主下陷之邪并佐乾薑桂心調和血氣之品深得養正祛邪之妙用也 羊肉當歸湯以有寒熱往來雖無腹中絞痛亦須當歸生薑羊肉溫補散邪芎藭芍藥護持營血防風黃芩雖散表熱實通血閉肘後不用防風黃芩而用人參黃耆胡洽以黃耆代黃芩白朮代芍藥子母祕錄以桂心代防風並可爲法 羊肉杜仲湯專主產後大虛寒濕痹著而腰痛虛風內襲而咳喘故合查而用參附著附朮附桂附薑附兼附子理中湯甘草附子湯等方之製噉用辛溫以開下著之痹細辛甘草以散上浮之咳薑桂辛散五味收之著朮氣壅厚朴泄之草薢杜仲濕著腰痛之嚮導紫苑欬冬風淫喘咳之專司種種主治仍藉當歸生薑羊肉湯鼓舞之力 羊肉生地黃湯以治新產腹痛乃兼取當歸生薑羊肉湯內補當歸建中湯二方除去薑棗膠飴加入人參芎地平調血氣桂心行芍地之寒滯人參助羊肉之滋益也

內補當歸建中湯

治產後虛羸不足腹中痠痛不止吸吸少氣或者小腹拘急痛引腰背不能飲食產後一

月日得服四五劑爲善令人力壯方

當歸四兩芍藥五兩甘草二兩生薑六兩桂心二兩大棗十八枚 右

六味咬咀以水一斗煮取三升去滓分三服一日令盡若大虛內飴糖六兩作湯成內之於火上煖令消

若無生薑則以乾薑三兩代之若其人去血過多崩傷內竭不止加地黃六兩阿膠二兩合八種作湯或去滓內阿膠若無當歸以芎藭代之

內補芎藭湯

治婦人產後虛羸及崩傷過多虛竭腹中絞痛方

芎藭 地黃各四兩芍藥五兩桂心二兩甘

草 乾薑

各三兩 大棗

四十枚

右七味咬咀以水一斗二升煮取三升去滓分三服日三不瘥復作至三劑若

有寒苦微下加附子三兩治婦人虛羸少氣傷絕腹中拘急痛崩傷虛竭面目無色及唾吐血甚良

大補中當歸湯

治產後虛損不足腹中拘急或瀉血少腹苦痛或從高墜下犯內及金瘡血多內傷男子亦

宜服之方

當歸

續斷

桂心

芎藭

乾薑

麥門冬

各三兩

芍藥

四兩

吳茱萸

一升

乾地黃

六兩

甘草

白芷

各二兩

大棗

四十枚

右十二味咬咀以酒一斗漬藥一宿明旦以水一斗合煮取五升去滓分五服日三

夜二加黃耆二兩益佳

〔衍義〕

南陽用小建中治傷寒陽脈滿陰脈弦腹中急痛及尺中脈遲營氣不足之證金匱加黃耆治虛勞

裏急諸不足用法奇矣千金於小建中加當歸謂之內補當歸建中湯變化尤奇而於產後隨證加減無所

不宜南陽從客邪內犯起見故用桂枝千金從肝血內滯起見且西北風氣剛勁桂枝力薄不能透達表邪

故咸用桂心然古方中多有但一桂字者則當隨內外見證而為取用 其內補芎藭湯即是內補當歸建

中方後加減以崩傷去血過多虛竭腹中絞痛非芎藭地黃胡能急救脫亾地黃膩膈乾薑發之乾薑專守

生薑專散進彼退此非無深意存焉既有芎地之滋益棗飴可無用也 大補中當歸湯合前兩方諸味更

加吳茱萸以佐乾薑麥門冬以佐地黃續斷以佐芎藭白芷以佐桂芍也用酒漬者專行和血止痛也

桂心酒

治產後小腹痛及卒心腹痛方

桂心三兩以酒三升煮取二升去滓分三服日三

牛膝酒 治產後腹中苦痛方 生牛膝根五兩以酒五升煮取二升分二服用乾薑牛膝根以酒漬一宿

然後可煮

治產後腹中如弦常堅痛無聊賴方 當歸_各二方寸匕內蜜一升煎適寒温頓服

〔衍義〕桂心散寒結牛膝導熱結並宜酒煮以行其勢當歸和血又宜蜜煎使緩行其性故無藉於酒煎也

吳茱萸湯 治婦人先有寒冷胸滿痛或心腹刺痛或嘔吐食少或腫或寒或下痢氣息綿悒欲絕產後益劇

皆主之方 吳茱萸_{二兩} 防風 桔梗 乾薑 甘草 細辛 當歸_{各十銖} 乾地黃_{十八銖} 右八味咀

以水四升煮取一升半去滓分再服

〔衍義〕先有寒明非暴受之寒也胸滿痛而且嘔吐食少或浮腫或下痢一切都是裏證故用薑萸細辛以

温其胃當歸地黃以滋其血防風桂心以拓其氣卽產後益劇亦不出此

蒲黃湯 治產後餘痰胸中少氣腹痛頭疼餘血未盡除腹中脹滿欲死方 蒲黃 生地黃 生薑_{各五兩} 芎

藭 桂心_{各一兩} 芒硝_{二兩} 桃仁_{二十枚} 大棗_{十五枚} 右八味咀咀以水九升煮取二升半去滓內芒硝分二服

日三頁

〔衍義〕產後餘血未淨而腹脹滿痛爲證最急泄滿最爲吃緊蒲黃散血更須芒硝佐之則桂心桃仁等味

方得振迅掃之威耳

敗醬湯 治產後疹痛引腰腹中如錐刀所刺方 敗醬三兩 桂心 芎藭各一兩 當歸一兩 右四味咬咀以

清酒二升水四升微火煮取二升去滓適寒溫服七合日三食前服之千金翼只用敗醬一味

〔衍義〕產後疹塊引痛如錐須防瘀結成癰故借金匱薏苡敗醬附子散之法於中除去附子之煖發進以

芎歸之柔和可無癰成之患矣

芎藭湯 治產後腹痛方 芎藭 甘草各二兩 蒲黃 女歲各兩半 芍藥 大黃各三兩 當歸十八銖 桂心 桃仁

黃耆千金翼作黃芩前胡各一兩 生地黃一升 右十二味咬咀以水一斗酒二升合煮取三升去滓分四服日三夜

一

〔衍義〕卽前蒲黃湯之變法彼用芒硝專滌瘀結此用大黃兼清畜熱

獨活湯 治產後腹痛引腰背拘急痛方 獨活 當歸 桂心 芍藥 生薑各三兩 甘草二兩 大棗二十枚

右七味咬咀以水八升煮取三升去滓分三服用後相去如人行十里久再進

〔衍義〕於內補當歸建中除去膠飴之滯膩特進獨活以散風氣血結也

芍藥黃耆湯 治產後心腹痛方 芍藥四兩 黃耆 白芍 桂心 生薑 人參 芎藭 當歸 乾地黄

甘草各二兩 茯苓三兩 大棗十枚 右十二味咬咀以酒水各五升合煮取三升去滓先食服一升日二千金翼無

人參當歸芍藥地黃茯苓爲七味

〔衍義〕此以血氣虧損而致心腹疼痛故用保元合內補當歸建中之製史加芎地以滋衝脈之虛甚正以散子戶之風也

治產後腹脹痛不可忍者方 煮黍粘根爲飲一服卽愈

〔衍義〕黍粘能通行十二經其根下行散血故單取用之

治婦人心痛方 布裹鹽如彈丸燒作灰酒服愈

〔衍義〕鹽能降濕燒之以灰取同氣以導陰火用酒服之更能和血

又方 燒秤錘投酒中服亦佳

〔衍義〕燒鐵漬酒專取下氣

又方 炒大豆投酒中服佳

〔衍義〕大豆紫湯疎風潤燥滋腎和營無所不宜

惡露第十四方二十八首

乾地黃湯 治產後惡露不盡除諸疾補不足方 乾地黃三兩芎藭 桂心 黃耆 當歸各二兩 人參

防風 茯苓 細辛 芍藥 甘草各一兩 右十一味咬咀以水一斗煮取三升去滓分三服日再夜一

〔衍義〕產後惡露未盡勢在必攻而攻之之法不但諒人虛實且有稟質偏勝之不同或兼擦何邪而致病

豈一破血之法可槩治乎此方以保元四物兼補氣血佐細辛防風以行保元之力桂心茯苓以行四物之滯滯通而惡露自行本虛挾血之良法也

桃仁湯

治產後往來寒熱惡露不盡方

桃仁五兩吳茱萸二升黃耆

當歸

芍藥各三兩

生薑

醃薑百鍊

蘇柴胡各八兩

右八味咬咀以酒一斗水二升合煮取三升去滓適寒溫先食服一升日三

〔衍義〕此因惡露不通而見往來寒熱故用桃仁芍藥散血卽兼黃耆當歸補血柴胡吳茱萸生薑專爲寒熱而設吳茱萸散內癰之血柴胡生薑開外鬱之氣用醃薑者專通血結產母癢約之故若大便不固殊非所宜觀後柴胡湯可知

澤蘭湯

治產後惡露不盡腹痛不除小腹急痛痛引腰背少氣方

澤蘭

當歸

生薑

生地黄

各三兩

甘草一兩

芍藥一兩大棗十枚

右七味咬咀以水九升煮取三升去滓分三服日三墮身欲死服亦瘥

〔衍義〕澤蘭爲產後去宿生新要藥與丹參功用不殊濟以地黃歸芍調血之品和以甘草薑棗辛散之味不獨惡露可通卽小產去血過多亦能療之總藉去宿生新之力

甘草湯

治產乳餘血不盡逆搶心胸手足逆冷脣乾腹脹短氣方

甘草

芍藥

桂心

阿膠

各三兩大黃

四兩

右五味咬咀以東流水一斗煮取三升去滓內膠令烊分三服一服入腹中面卽有顏色一日一夜

盡此三升卽下腹中惡血一二升立瘥營養之如新產者

〔衍義〕四味溫血藥中特進大黃一味以破逆上之血大黃雖苦寒得桂心之辛散功用自不尋常一服入腹面卽有色豈非宿有所驗乎

大黃湯 治產後惡露不盡方 大黃 當歸 甘草 生薑 牡丹 芍藥各三兩 吳茱萸一升 右七味咬

咀以水一斗煮取四升去滓分四服一日令盡加人參二兩名人參大黃湯

〔衍義〕前用桂心以鼓大黃之性此用吳萸以行大黃之力用當歸牡丹卽前方阿膠之義生薑佐吳萸可抵桂心之辛散也

柴胡湯 治產後往來寒熱惡露不盡方 柴胡 生薑各八兩 桃仁五十枚 當歸 黃耆 芍藥各三兩 吳茱萸二

升 右七味咀咀以水一斗三升煮取三升去滓先食服一升日三升 千金翼以清酒一斗煮

〔衍義〕此方主治與桃仁湯無異但少醜醜一味以保產後瘕氣

蒲黃湯 治產後餘疾有積血不去腹大短氣不得飲食上衝胸脇時時煩憤逆滿手足痛疼胃中結熱方

蒲黃十兩大黃 芒硝 甘草 黃芩各一兩 大棗三十枚 右六味咀咀以水五升煮取一升清朝服至日中

下若不止進冷粥半盞卽止若不下與少熱飲自下人羸者半之 千金翼名大黃湯無芒硝

〔衍義〕產後積血不去而致腹大氣短不急攻之變證莫測蒲黃硝黃破血猛劑恐其疾行乃以甘草和之

黃芩專清鬱積之標熱也

銅鏡鼻湯 治產後餘疾惡露不除積聚作病血氣結搏心腹疼痛方 銅鏡鼻十八銖 大黃二兩 芍藥 乾

地黃 芎藭 乾漆 芒硝各二兩 亂髮雞子大燒 大棗三十枚 右九味 㕮咀以水七升煮取二升二合去滓內髮

灰鏡鼻末分三服

小銅鏡鼻湯 治如前狀方 銅鏡鼻十銖 燒末 大黃 甘草 黃芩 芒硝 乾地黃各二兩 桃仁五十枚 右七味

㕮咀以酒六升煮取三升去滓內鏡鼻末分三服亦治遁尸心腹痛及三十六尸疾

〔衍義〕產後惡露不除日久而成積聚雖有大黃芒硝乾漆地黃之屬不能消磨堅積故取銅鏡之鼻以磨

礪之深契本經主治女子血閉癥瘕之旨芍藥芎藭髮灰大棗乃乾漆之佐使耳 小銅鏡鼻湯方下雖云

治如前狀詳方中藥味必竟其勢稍緩或元氣委頓難勝乾漆峻攻故但用桃仁黃芩甘草酒煮以行藥力

方後言亦治遁尸心腹痛者取銅鏡鼻鎮邪不能遁形之義

梔子湯 治產後兒生虛空流血不盡小腹絞痛方 梔子三十枚以水一斗煮取六升內當歸芍藥各二兩

蜜五合生薑五兩羊脂一兩於梔子汁中煎取二升分三服日三

〔衍義〕產後血流不盡而用梔子之苦寒豈無傷中之慮乎詳本經梔子治五內邪氣胃中熱氣能降火從

小便泄去是必產母平昔多火大便燥實方可用之若舊有微溼諒不犯南陽之禁也

生地黃湯 治產後三日至七日腹中餘血未盡絞痛強滿氣息不通方 生地黃五兩生薑三兩大黃 芍

藥 茯苓 細辛 桂心 當歸 甘草 黃芩各一大棗二十兩半 右十一味咬咀以水八升煮取二升半

去滓分三服日三

〔衍義〕即前大黃湯之變方大黃芍藥當歸甘草生薑等味俱出大黃湯其用桂心細辛即大黃湯中吳茱萸之意黃芩茯苓即大黃湯中牡丹之意大棗佐黃芩以和寒熱也方下雖不言寒熱而用黃芩薑棗之意

可推

大黃乾漆湯 治新產後有腹中切痛方 大黃 乾漆 乾地黃 桂心 乾薑各三兩 右五味咬咀以

水三升清酒五升煮取二元去滓溫服一升血當下若不瘥明旦服一升滿三服病無不瘥

〔衍義〕此從銅鏡鼻湯兩方中化出以瘀積未久未成癥瘕與銅鏡鼻無預故但取前方之漆灰次方之清酒而加乾薑桂心溫散可也

麻子酒 治產後血不去方 麻子五升搗以酒一斗漬一宿明旦去滓溫服一升先食服不瘥夜服一升當

吐下忌房事一月將養如初產法

〔衍義〕本經言麻子仁補中益氣日華言止消渴通乳汁總取潤燥利竅之力既通乳汁則去血不言而喻升麻湯 治產後惡物不盡或經一月半歲一歲方 升麻三兩以清酒五升漬煮取二升去滓分再服當吐

下惡物勿怪良

〔衍義〕升麻升清陽降濁氣漬之以酒而升騰胃氣胃氣有權濁惡自不能留矣所患雖久而元氣未漓無患升動逆氣也

治產後惡血不盡腹中絞刺痛不可忍方 大黃 黃芩 桃仁各三兩 桂心 甘草 當歸各二兩 芍藥四兩 生

地黃六兩 右八味咬咀以水九升煮取二升半去滓食前分三服

〔衍義〕於前生地黃湯中除去細辛茯苓棗薑易入桃仁一味破血之力較生地黃湯更專然非大滿大痛皆難輕試

治產後漏血不止方 露蜂房 敗船茹 右二味等分作灰取酪苦漿服方寸匕日三

〔衍義〕露蜂房本經治驚癩癧瘰寒熱邪氣敗船茹乃桐油石灰黃麻結成並為逐垢散血之藥兼取填塞其空之義酪苦漿即點乳酪之酸漿也

又方 大黃三兩 芒硝一兩 桃仁 水蛭 蠱蟲各二枚 甘草 當歸各二兩 蠱蟲四十枚 右八味咬咀以水三升

酒二升合煮取三升去滓分三服當下血○又方 桂心 蟻螬各二兩 栝蔞根 牡丹各三兩 豉一升 右五

味咬咀以水八升煮取三升去滓分三服

〔衍義〕抵當而兼下瘀血湯之製破血之猛劑也 又彷彿金匱土瓜根散之製彼用土瓜根此用栝蔞根

彼用廬蟲此用蟻螬彼用芍藥此用牡丹彼用桂枝此用桂心香豉者專散穢惡之氣也

治產後血不可止者方 乾薑蒲三兩以清酒五升漬煮取三升分再服卽止

〔衍義〕專取利竅之品清酒漬煎以活血散瘀瘀散而血得歸經矣

治產後惡血不除四體並惡方 續骨木二十兩破如算子大以水一斗煮取三升分三服相去如人行十里

久間食粥或小便數或惡血下卽瘥此木得三遍煮

〔衍義〕續骨木專散血血散而肌腫自除以氣味穢濁恐其傷胃須與粥食間進助其勢力

治產後下血不盡煩悶腹痛方

羚羊角燒成灰刮取三兩芍藥二兩熬令黃枳實一兩熬令黃

右三味治下篩煮水作湯服

方寸七日再夜一稍加至二七〇又方 鹿角燒成灰搗篩煮豉汁服方寸七日三夜再稍加至二七不能

用豉清煮水作湯服之〇又方 搗生藕取汁飲二升甚驗〇又方 生地黃汁一升酒三合和溫頓服之

〇又方 赤小豆搗散取東流水和服方寸匕不瘥更作

〔衍義〕血下不盡不可再攻煩悶腹痛又難用補因取羚羊之入肝搜風而散惡血燒之便寓止脫之義乃

合金匱枳實芍藥散專泄煩悶腹痛也 鹿角走督脉本經言治漏下惡血燒之亦能止血服用豉汁取散

穢濁之氣也 生藕散血而且通行經絡產後尤宜 生地黃汁專主血熱妄行以其性寒恐其凝滯乃以

酒和溫服 赤小豆清熱散火火散血亦隨之而散矣

治產後血痙痛方 古鐵一斤秤鎚斧頭鐵杵亦得炭火燒令赤內酒五升稍稍服之神妙

〔衍義〕燒鐵漬酒下氣最速因取素問治陽厥生鐵烙飲之法更藉酒力以行血瘕不獨產後主治也

治婦人血瘕心腹積聚產乳餘疾絕生小腹堅滿貫臍中熱腰背痛小便利大便難不下食有伏蟲臚脹癰

疽腫久寒留熱胃脘有邪氣方 半夏一兩石膏六銖 藜蘆 牡蒙 菴蓉各十銖 桂心 乾薑各一兩 烏喙半兩

巴豆六十枚 研如膏 右九味為末蜜丸如小豆服二丸日三及治男子痼病

〔衍義〕血瘕積聚而致臚脹且見證雜合不得不以雜合治之方中半夏滌痰石膏清熱藜蘆涌吐牡蒙散

邪菴蓉鹹潤桂心溫血乾薑溫氣烏喙破瘕巴豆攻積藥雖峻而所服最少久積之瘕勢在漸磨故用峻劑

緩攻深得治瘕之奧

治婦人血瘕痛方 乾薑 烏賊魚骨各一兩 右二味治下篩酒服方寸匕日三〇又方 末桂心溫酒服方

寸匕日三

〔衍義〕前證堅積龐雜雖吐利並行毒藥猛進未可定其必効此方亦主血瘕僅用烏賊以散結血乾薑以

溫中氣蓋血非氣不行結非溫不散素問四烏鯁一蘆茹丸之變法也 又方單用桂心一味為末專行溫

血溫酒服之以助桂心之力彙萃諸方出入之旨則產後散血諸例了無餘蘊矣

下痢第十五方十九首

膠蠟湯 治產後三日內下諸雜五色痢方 阿膠 黃柏各一兩 蠟如棊子三枚 當歸一兩 黃連二兩 陳廩米一升

右六味咬咀以水八升煮米蠶目沸去米內藥煮取二升去滓內膠蠟令烱分四服一日令盡

〔衍義〕滯下雖有寒熱新久之不同而推陳致新之治則一至於產後新虛雖有瘀積猶須顧慮本元況有臨月先痢而延及產後者得不更爲扼腕耶此以新產暴注熱邪勢甚恐其凌燠真陰不得拘於產後苦寒之禁乃峻投連柏以堅腸胃之崩迫歸膠以滋營氣之虛燥蜂蠟以安膿血之絕傷陳米以資胃氣之數化此駐車丸之支派於中除去乾薑而加黃柏米蠟也按駐車丸亦千金所立專調腎脾肺三車之氣以鹿車之力過疾則以黃連駐之牛車之力過緩則以乾薑御之羊車之力過勞則以阿膠滋之而駕馭三車者血與氣耳用當歸者藉以統攝傷殘之餘不使更失常度而淪胥不止也夫產後虛能受熱正宜溫理中氣何反除去辛溫而進苦寒是必西北風氣剛勁資稟偏陽難勝辛熱所以去彼取此設當東南水土卑弱軀體柔脆又當攸賴乾薑而遠黃柏矣孰謂異法方宜之可忽乎

桂蜜湯

治產後餘寒下痢便膿血赤白日數十行腹痛時時下血方

桂心

甘草

乾薑

各二兩

附子一兩

蜜一升當歸三兩赤石脂十兩

右七味咬咀以水六升煮取三升去滓內蜜煎一兩沸分三服日三

〔衍義〕夫蜜潤腸下痢所禁反取之以產後泄脫無度非四逆桃花無以療之雖證屬虛滑而痢久津液逮匱急需滋乾導滯以協濟之攷之本草蜜性雖滑熟則溫中薑雖辛熱炮則苦平可知蜜有和解辛熱之功薑具散火安中之力而桃花湯中粳米煎膠蠟湯中已借用之此方既有桂心當歸甘草熟蜜溫中和血

可無藉於粳米也

治產後下赤白腹中絞痛方 芍藥 乾地黃各五兩 甘草 阿膠 艾葉 當歸各二兩 右六味咬咀以水七

升煮取二升半去滓內膠令烊分三服

治產後赤白下久不斷身面悉腫方 大豆微熬 小麥 蒲黃各一升 吳茱萸半升 右四味以水九升煮取三

升去滓分三服此方神驗亦可以水五升酒一斗煎取四升分四服

治產後痢赤白心腹刺痛方 薤白 一兩 當歸 二兩 酸石榴皮 三兩 地榆根 四兩 粳米 五合 右五味咬咀以

水六升煮取二升半去滓分三服 必効方加厚朴一兩阿膠人參甘草黃連各一兩半

〔衍義〕前方以產後血虛痛痢不止故於金匱膠艾湯中但去芎藭一味彼治妊娠漏下固為必需此主產

後滯下似可無藉非有所妨礙而去之也 次方以瘀積流泊於經而致身面浮腫故用大豆小麥以通達

腎肝之氣俾茱萸蒲黃得振破瘀之力 後方專取南陽四逆散後薤白治腹中痛泄利下重及金匱胸痹

方疎利濕熱之義榴皮酸澀榆皮利之薤白泄滯當歸和之粳米專扶胃氣之陷也

當歸湯 治產後下痢赤白腹痛方 當歸 龍骨各三兩 乾薑 白朮各二兩 芎藭二兩 甘草 白艾熟者 附子

各一兩 右八味咬咀以水六升煮取二升去滓分三服一日令盡

〔衍義〕產後氣血兩虧加以下痢脾胃俱虛艾附本附薑附艾力復陽當歸芎藭溫養其血至於龍骨欬固

其津甘草調和其氣並緩附子之性一舉而兩得之也

白頭翁湯 治產後下痢兼虛極方 白頭翁 阿膠 秦皮 黃連 甘草各二兩 黃柏三兩 右六味啜咀

以水七升煮取二升半去滓內膠令烱分三服日三

〔衍義〕南陽以此方治厥陰熱痢下重金匱加甘草阿膠治產後下痢虛極其前膠蠟湯雖出駐車尤為此

方的派要之一方皆滯下門中頂門金錄

鰲甲湯 治產後早起中風冷泄痢及帶下方 鰲甲如手大 當歸 黃連 乾薑各二兩 黃柏長一尺廣三寸 右五味

啜咀以水七升煮取三升去滓分三服日三千金翼加白頭翁一兩

〔衍義〕本經言鰲甲治心腹癥瘕積聚而兼連柏專祛濕熱乾薑熱因熱用之嚮導當歸和其血滯為熱痢

之的方方下雖言產後早起風冷致病邪既入裏而蘊熱必無外散之理世有因風致病尙欲牽纏表藥者

不幾癡人說夢耶

龍骨圓 治產後虛冷下血及穀下晝夜無數兼治產後惡露不斷方 龍骨四兩 乾薑 甘草 桂心各二兩

右四味為末蜜和丸暖酒服二十丸如梧子日三 一方用人參地黃各二兩

〔衍義〕本經言龍骨治泄利膿血女子漏下而兼乾薑桂心温散寒結甘草專和胃氣為冷痢之專藥薑桂

辛散不須復用嚮導也

阿膠圓 治產後虛冷洞下心腹絞痛兼泄瀉不止方 阿膠四兩 人參 甘草 龍骨 桂心 乾地黄

白朮 黃連 當歸 附子各二兩 右十味為末蜜丸如梧子大溫酒服二十九日三服

〔衍義〕方下雖主虛冷洞下而證見本寒標熱故彙推理中駐車及本門中龍骨圓三方並去乾薑而易附

子功力倍增阿膠當歸專補營虛人參白朮專扶胃弱桂心附子專治本寒黃連一味專除標熱猶恐桂附

過熱乃進地黃以護真陰龍骨以填滲漏非但防虛陽之竊發并可杜虛寒之下脫也

澤蘭湯 治產後餘疾寒下凍膿裏急胸脇滿痛咳嗽嘔血寒熱小便赤黃大便不利方 澤蘭 石膏各二

銖 當歸 甘草 厚朴各十銖 遠志二十銖 薑本 芎藭各十銖 乾薑 人參 桔梗 乾地黄各二銖 白朮 蜀椒

白芷 柏子仁 防風 吳茱萸 細辛各八銖 桑白皮 麻子仁各半升 右二十一味㕮咀以水一斗五升

先內桑白皮煮取七升半去之內諸藥煮取三升五合去滓分三服

〔衍義〕澤蘭入肝脾血分為產後要藥用以配入理中并取椒辛萸朴之屬協助參朮以治寒下凍膿裏急

胸膈滿痛主使歷然其餘芎藭薑本防風白芷遠志桑皮桔梗當歸地黃石膏麻仁柏仁等味皆為咳嗽嘔

血小便赤黃大便不利隨證參入學者不必師其成則也

乾地黄湯 治產後下痢方 乾地黄二兩 白頭翁 黃連各一兩 蜜蠟寸一方 阿膠手掌大一枚 右五味㕮咀以水

五升煮取二升半去滓內膠蠟令烊分三服日三千金翼有乾薑一兩

〔衍義〕於白頭翁加甘草阿膠湯中除去秦皮黃柏但用黃連以墜腸胃白頭翁以止腹痛阿膠以治內崩加地黃以除血熱蜜蠟以清胃氣本經專主下利膿血以蠟味至淡入胃胃爲五臟之本淡爲五味之先也

生地黃湯 治產後忽著寒熱下痢方 生地黃五兩 甘草 黃連 桂心各一兩 大棗二十枚 赤石脂二兩 淡竹

葉二升一升 右七味咬咀以水一斗煮竹葉取七升去滓內藥煮取二升半分三服日三

〔衍義〕方下言忽著寒熱下痢是飲食中寒熱交進或飽食後臍腹受冷飲食不化而蘊熱與外感之寒熱無預也方中桂心專治本寒黃連專化蘊熱淡竹地黃專行清熱甘草大棗專於和中石脂一味專固下焦之脫也

藍青圓 治產後下痢方 藍青熬 附子 鬼臼 蜀椒各一兩半 厚朴 阿膠 甘草各二兩 艾葉 龍骨 黃連

當歸各三兩 黃柏 茯苓 人參各一兩 右十四味爲末蜜和丸如梧子每服二十丸空腹飲下 一方用赤

石脂四兩

赤石脂圓 治產後虛冷下痢方 赤石脂三兩 當歸 白朮 黃連 乾薑 秦皮 甘草各二兩 蜀椒 附

子各一兩 右九味爲末蜜丸如梧子大酒服二十丸日三千金翼作散空腹飲服方寸匕

〔衍義〕夫病有常變治難一揆產後滯下而至寒熱交錯毒邪膠固於內連柏不足以挫其威參附不足以固其脫法無可愈之機乃取法外之法以治變中之變藍青鬼臼本經雖有解毒殺蠱之治本草小青條下

且主血痢腹痛但世罕知用其他蜀椒龍骨爲痢久虛滑而設膠艾當歸爲肝虛血脫而設甘茯苓厚朴爲脾虛氣滯而設則又不離於常度也 赤石脂丸治證雖同然必較前稍緩故投劑稍平而寒熱交錯則一所以方中椒薑附子與秦皮黃連並行無悖白朮當歸與石脂甘草協力匡扶方克有濟以無毒邪固結乃無藉於藍青鬼臼也按藍青丸藥品不倫細繹其旨綽有至理然僅可參究其法良難效用其法非特藍青鬼臼能招誹議卽澤蘭湯中麻仁桂蜜湯中蜂蜜咸爲時禁況妊娠痢門中羊脂丸爲舉世所昧曷知其爲本經主治也

赤散

治產後下痢方

赤石脂

代赭

桂心

右三味治下篩酒服方寸七日三十日愈

黑散

治產後下痢方

麻黃

貫衆

桂心

細辛

甘草

乾漆

右六味治下篩酒服五撮日

再五日愈麥粥下尤佳

黃散

治產後下痢方

黃連

二兩

黃芩

廔蟲

乾地黃

右四味治下篩酒服方寸七日三十日愈

龍骨散

治產後痢方

五色龍骨

代赭

赤石脂

黃柏根皮

蜜炙各一兩半

黃連

二兩 右六味治下篩

飲服方寸七日三

〔衍義〕赤散治久痢滑泄故取石脂療腹痛腸澼下痢赤白代赭治腹中毒邪女子赤沃漏下皆本經主治以其味瀼司收故用桂心之辛而散其滯也 黑散治血結於內而腹脹喘逆故用乾漆治絕傷而破血下

行桂心散結積而溫理血氣貫冢治腹中邪而散諸熱毒細辛利空竅而溫散諸寒甘草調胃氣而兼和藥性麻黃開腠理而宣散逆氣此雖發汗重劑然入於破血導滯劑中亦必助乾漆貫衆之勢以本經原有破堅癥之治也 黃散治血結於內而發熱故用麝蟲以破堅下血閉芩連以治腹痛下痢地黃以清血中之熱也 龍骨散取連柏苦寒而治崩迫後重以其專散濕熱柏根名曰檀桓能治腹中百病代赭石脂龍骨艾葉性味皆瀉專主虛寒脫泄用散不用湯者欲其止瀉故無取於蕩滌也 四方雖同主產後下痢而藥味所主不同是可推其見證也

淋渴第十六方九首

栝蘘湯

治產後小便數兼渴方

栝蘘根

麥門冬

甘草

黃連各二兩

人參

生薑各三兩

大棗十五枚

桑螵

蛸二十枚

右八味咬咀以水七升煮取二升半分三服○又方

治產後渴不止方

栝蘘根 四兩 人參

麥門冬各三兩

甘草崔氏無

乾地黃各二兩

大棗二十枚

土瓜根五兩崔氏用蘆根

右七味咬咀以水一斗二升煮取六升

分六服

〔衍義〕淋渴往往相兼但淋證未有不渴渴證未必皆淋栝蘘湯一方所主雖皆肺胃虛熱並用人參麥冬

栝蘘甘草大棗生津止渴一兼黃連螵蛸專主足太陽不能嚮津而成淋一兼地黃土瓜根專主手太陽不能化氣而致渴以無黃連之苦寒故無取生薑之辛散

雞臍膠湯 治產後小便數方

雞臍脰二具

雞腸三具

乾地黄

當歸

甘草

厚朴

人參各二兩

蒲黃四兩

世本生薑五兩大棗二十枚

右十味咬咀以水一斗煮臍脰及腸大棗取七升去滓內諸藥煎取三升半分

三服

〔衍義〕熱在小腸不能司膀胱氣化而小便頻數小腸盡處傍通膀胱膀胱滲瀦是必小腸有瑕故取雞之

臍脰及腸專利小腸厚朴薑棗泄滯氣人參甘草地黃當歸兼滋氣血蒲黃匡佐臍脰專清膀胱血熱也世

本作麻黃熱既犯腸斷無復用麻黃之理

治婦人結氣成淋小便引痛上至小腹或時溺血或如豆汁或如膠飴每發欲死食不生肌而日萎黃師所不

能治方

貝齒四枚燒作末

葵子一升

石膏五兩碎

滑石二兩末

右四味以水七升煮二物取二升去滓內二末及

豬脂一合更煎三沸分三服日三不瘥再合服效

〔衍義〕結氣成淋而致引痛溺血時有所下內因堅積可知貝齒專磨堅積葵子滑石石膏輔貝子治五淋

利水道也

石韋湯

治產後卒淋氣淋血淋石淋方

石韋

黃芩

通草

甘草各二兩

榆皮五兩大棗三十枚

葵子二升

白朮產實用芍藥

生薑各三兩

右九味咬咀以水八升煮取一升半分三服

一方無甘草生薑崔氏同產寶不用薑棗

〔衍義〕產後淋證得之卒然無問氣血與石一皆不離於熱石韋大寒本經專主五癰不通兼榆皮葵子之屬

雖云利竅并可散血血散而淋自愈矣產寶以芍藥易朮集驗不用甘草生薑各有主見

葵根湯 治產後淋瀝方 葵根二兩車前子一升亂髮燒灰大黃 桂心 滑石各一兩通草二兩生薑六兩

冬瓜練七合一 右九味咬咀以水七升煮取二升半分三服千金翼不用冬瓜練

茅根湯 治產後淋方 白茅根一斤瞿麥 茯苓各四兩地脈 人參各二兩生薑三兩桃膠 甘草各一兩鯉魚

齒一百枚 右九味咬咀以水一斗煮取二升半分三服

〔衍義〕二方同治產後之淋並主膀胱熱結前方用葵根之滑澤兼大黃之寒降以散膀胱之積熱車前滑

石通草乃葵根之佐使桂心亂髮生薑則大黃之反譟瓜練專清胃熱燥渴也 後方用白茅根之甘寒兼

人參之甘溫以溫肺胃氣化瞿麥桃膠地脈乃茅根之佐使茯苓甘草生薑則人參之匡輔鯉齒散堅利水

并助桃膠以磨宿積之瘕方下所治雖同而新久虛實霄壤

滑石湯 治產後淋方 滑石五兩通草 車前子 葵子各四兩 右四味治下篩酢漿水服方寸匕稍加至

二七

竹葉湯 治產後虛渴少氣力方 竹葉三升生薑 半夏各三兩大棗十四枚小麥五合甘草 茯苓 人參各一兩

兩麥門冬五兩 右九味咬咀以水九升煮竹葉小麥取七升去滓內諸藥更煎取二升半一服五合日三

夜一

〔衍義〕淋之與渴雖多相兼淋證未久津液未傷未便作渴渴證雖久無關下焦豈得成淋詳滑石散竹葉湯二方主治其義自明

雜治第十七方五十八首 灸法九首

破積烏頭圓 治婦人心腹積聚氣悶脹疝瘕內傷瘀血產乳餘疾及諸不足勞氣食氣胃滿吐逆其病頭重

結痛小便赤黃大下氣方 烏頭 黃芩 巴豆各半兩 半夏三兩 大黃八兩 戎鹽一兩 麤蟲 桂心 苦參

各十人參 硝石各一兩 右十一味爲末以白蜜青牛膽拌和搗三萬杵丸如梧子隔宿勿食酒服五丸安

臥須臾當下黃者小腹積也青者疝也白者內風也如水者留飲也青如粥汁膈上邪氣也血如腐肉者傷也赤如血者產乳餘疾也如蟲刺者蠱也既下必渴渴飲粥湯飢食稀糜三日後當溫食食必肥濃三十日平復

〔衍義〕勞氣食氣逆氣而挾痰積苟非迅雷疾擊則與養癰何異烏頭巴豆之辛烈不得苦參大黃不能直搗長驅桂心佐麤蟲以破積血黃芩佐半夏以破積痰戎鹽佐消石以破積水人參統領諸藥爲之主帥服後觀其所下過半便與糜粥調養經謂大積大聚毒可犯也衰其大半而止毋犯下文三字

竹茹湯 治婦人汗血吐血尿血下血方 竹茹二升 人參 芍藥 桔梗 芎藭 當歸 甘草 桂心各

兩 乾地黃四兩 右九味咬咀以水一斗煮取二升分三服

〔衍義〕前治勞氣食氣逆氣此治汗血吐血尿血下血竹茹爲亾血發渴專藥芎藭芍地爲滋血專藥人參甘草爲扶胃專藥桂心專行四物之滯桔梗專助人參之力非若前證之有氣逆血結合行攻擊也

治婦人自少患頭疼眼眩方

石南一方用石韋

細辛 天雄

茵芋各二兩

薯蕷

防風 貫衆

獨活

麝燕各四

兩乾薑

山茱萸各三兩

右十一味咬咀以酒三斗漬五日初飲二合日三服後稍稍加之

〔衍義〕一派皆搜風猛劑漬之以酒稍取微酣深得緩急相需之妙用但茵芋近世罕得不妨以鬼臼代之

治婦人經服硫黃丸忽患頭痛項冷冷歇又心胸煩熱眉骨眼背癢病或有时生瘡喉中乾燥四體痛癢方

栝藹根

麥門冬

龍膽各三兩

大黃二兩

杏仁二升

土瓜根八兩

右六味爲末蜜丸如梧子飲服十九日

三後漸加之

〔衍義〕火逆則頭痛火鬱則項冷皆硫黃毒伏之候火性上炎而熏灼肺胃故用栝藹根麥門冬滋其上燥

大黃龍膽疎其下竅杏仁專散結氣土瓜根專破結血蜜丸緩進漸加以化熱毒也

治婦人患癬按時如有三五個而作水聲殊不得寢食常心悶方 牽牛子三升治下篩飲服方寸匕日一服

三十服後可服好硫黃一兩

〔衍義〕先行蕩滌次與溫散然非按之作水聲者便非水癖慎勿誤投苟非氣壯質實亦難槩治

治婦人忽與鬼交通方

松脂二兩 雄黃一兩末

右二味先祥松脂乃內雄黃末以虎爪攪令相得藥成取如

雞子中黃夜臥以著燻籠中燒令病人取自昇其上以被自覆惟出頭勿令過熱乃令氣得泄也

〔衍義〕松脂雄黃皆辟邪之物燒燻隱處令絕其交通之地

厚朴湯 治婦人下焦勞冷膀胱腎氣損弱自汗小便俱出方 厚朴如手大長四寸以酒五升煮兩沸去滓

取桂一尺為衣內汁中調和一宿勿食且頓服之

〔衍義〕下焦虛冷真陽式微不能恢廓大氣此方得之

溫經湯 治婦人小腹痛方 茯苓六兩 土瓜根 芍藥各三兩 薏苡仁半升 右四味咬咀以酒三升漬一宿

且加水七升煮取二升分再服

〔衍義〕婦人小腹痛有熱有寒此以經癸不調而痛雖曰溫經殊非虛冷之謂酒浸煎服即所以溫之也

半夏厚朴湯 治婦人胸滿心下堅咽中帖帖如有炙肉嚮吐之不出咽之不下方 半夏一升 厚朴三兩 茯苓

各四兩 生薑五兩 蘇葉五兩 右五味咬咀以水七升煮取四升分四服日三夜一不瘥更服 一方無蘇

葉生薑

〔衍義〕婦人火鬱痰結於咽而致嘔吐不下用半夏厚朴溫散專取金匱成法

治婦人氣方 平旦服烏牛尿日一止

〔衍義〕水氣浮腫而用烏牛之尿殺蟲利水與驢尿同功而烏牛更益脾胃

昆布圓 治婦人胸中伏氣方 昆布 海藻 芍藥 桂心 白石英 欵冬花 桑白皮 人參各二兩

子仁 茯苓 鍾乳各二兩半 紫苑 甘草各一兩 乾薑一兩六銖 吳茱萸 五味子 細辛各一兩半 杏仁一百枚 橘皮 蘇

子各五合 右二十味為末蜜丸如梧子酒服二十九日再加至四十九

〔衍義〕痰氣伏匿胸中如陰蠶噎日苟非辛溫齊進何以宣布五陽而溫散藥中獨不及附子者恐其壯火食氣更增擾亂中州也

治婦人無故憂恚胸中迫塞氣不下方 芍藥 滑石 黃連 石膏 山茱萸 前胡各一兩六銖 大黃 麥門

冬 細辛 生薑各一兩 半夏十八銖 桂心半兩 右十二味為末蜜丸如梧子酒服二十九日加至三十九日三

服

〔衍義〕前以胸中大氣不布故宜溫補助陽此以胸中痰氣迫塞故宜滌熱存陰同一中氣不舒而寒熱補

瀉天淵

治婦人斷產方 蠶子故紙方一尺燒為末酒服之終身不產

治勞損產後無子陰中冷溢出子門閉積年不瘥身體寒冷方 防風一兩半 桔梗三十銖 人參 一兩 葛蒲 半夏

丹參 厚朴 乾薑 紫苑 杜蘅各十銖 秦朮 白薇 牛膝 沙參各半兩 右十四味為末白蜜和丸如

小豆食後服十五丸日三服不知加至二十丸有娠止夫不在勿服之服藥後七日方合陰陽

〔衍義〕是必產後房勞虛風內動風虛相搏而經閉不行濶溢子門故用防風白薇杜蘅秦朮以逐內風半夏厚朴以滌痰氣牛膝丹參以通積血沙參紫苑桔梗芩蒲輔乾薑人參以溫胃氣勿疑防風等味爲發散用也

五茄酒

治產後癱瘓玉門冷方

五茄皮一斤

蛇床子一升

杜仲一斤

乳床

半升卽孔公藥

乾地黃二兩

枸杞子一

升丹參二兩乾薑三兩天門冬四兩

右九味咬咀以絹袋子盛酒三斗漬三宿一服五合日再稍加至一

升佳

〔衍義〕五茄皮專發醪醴性味諸藥得此功力倍常不獨專溫玉門也

治子門閉血聚腹中生肉癥臧寒所致方

乾漆

半斤

生地黃汁三升

生牛膝汁一升

右三味先搗漆爲散

內汁中攪微火煎爲丸如梧子酒服三丸日再覺腹中痛食後服之

〔衍義〕漆灰破血不得地黃牛膝之潤與溷澤之魚無異矣

治產後勞玉門開而不閉方

硫黃

四兩

吳茱萸

一兩

兔絲子

一兩

蛇床子

一兩

右四味爲散以水一升煎

二方寸匕洗玉門日再洗

治產後陰道開而不閉方 石灰一斗熬令燒草以水二斗投之適寒溫入汁中坐漬之須臾復易坐如常法

甚効

〔衍義〕玉門開而不閉肝氣過泄腎氣不藏故用硫黃茱萸以溫之兔絲蛇床以補之右灰熬漬以蒸之勞在患處故無取於內治

黃芩散 治婦人陰脫方 黃芩 蝟皮 當歸 各半兩 芍藥 一兩 牡蠣 竹皮 各二兩半 狐莖 一具千金翼用松皮 右七味

治下篩飲服方寸匕日三禁舉重房勞冷食

硫黃散 治同前 硫黃 烏鯛骨 各半兩 五味子 三銖 右三味治下篩以粉其上良日再三粉之

當歸散 治同前 當歸 黃芩 各二兩 蝟皮 半兩 牡蠣 二兩半 芍藥 一兩 右五味治下篩酒服方寸匕日三服

禁舉重良

治產後陰下脫方 蛇牀子一升布裏炙熨之亦治產後陰中痛○又方 燒人屎為末酒服方寸匕日三○

又方 燒弊帚頭為灰酒服方寸匕○又方 繫頭五枚為末以井花水服方寸匕日三○又方 皂莢半

兩半夏 大黃 細辛 各十銖 蛇床子 三銖 右五味治下篩用薄絹囊盛大如指內陰中日二易即瘥○又

方 吳茱萸 蜀椒 各一升 戎鹽 如雞子大 右三味皆熬令變色為末以綿裹如半雞子大內陰中日一易二十

日瘥

治陰下挺出方 蜀椒 廣濟方不用 烏頭 白芨 各半兩 右三味為末以方寸匕綿裹內陰中入三寸腹中熱易之

日一度明日乃復著七日愈

治婦人陰下脫若脫肛方 羊脂煎訖適冷暖取塗上以鐵精敷脂上多少令調以火炙布令暖熨肛上漸推內之然後求磁石酒服方寸匕日三

〔衍義〕陰脫與子門不閉不同勞則泄而不收脫則虛熱下墜故以黃芩竹皮清理濕熱當歸芍藥調和血氣蝟皮治陰腫下血牡蠣治赤白帶下狐莖取其善縮入腹所患最急恐藥力紆緩更須粉以外治酒以內助以無狐莖并去竹皮若產後虛脫陰腫蛇床熨之蟹頭收之皂莢大黃半夏細辛蛇床專散瘀腫茱萸蜀椒戎鹽專治風冷蜀椒烏頭白芩專療陰挺羊脂專助滑澤并敷鐵精內服磁石吸之使內而不下也

當歸湯 治產後臍中風冷陰腫痛方 當歸 獨活 白芷 地榆各三兩 敗醬千金翼不用 礬石各三兩 右六味

以水一斗半煮取五升適冷暖稍稍洗陰日三〇又方 熟搗桃仁傅之良日三度

〔衍義〕產後陰腫無非風熱瘀血獨活白芷散風當歸地榆散血敗醬解毒礬石消腫如法洗之最良熟搗桃仁傅之亦得總取散血消腫之功用

陰瘡膏 治男女陰瘡方 米粉一杯許 芍藥 黃芩 牡蠣 附子 白芷各十兩 右六味咬咀以不中水猪

膏一斤微火上煎三上三下候白芷黃膏成絞去滓內粉和令相得傅瘡上併治口瘡

治陰中痛生瘡方 羊脂一升杏仁一升當歸 白芷 芎藭各兩 右五味爲末以羊脂和諸藥內鉢中置

甌內蒸之三升米頃藥成取如大豆許綿裹內陰中日一

治男女陰中瘡濕癢方 黃連 梔子 甘草 黃耆各一兩 蛇床子二兩 右五味治下舖為細末以粉瘡上

無汁以豬脂和塗之深者用綿裹內瘡中日二

治陰瘡方 蕪荑 芎藭 黃芩 甘草 礬石 雄黃 附子 白芷 黃連各六銖 右九味咬咀取豬

膏四兩合煎傅之

治陰中癢如蟲行狀方 礬石十八銖 芎藭一兩 丹砂少許 右三味治下舖取綿裹藥著陰中蟲自死

治陰中癢入骨方 大黃 黃芩 黃耆各一兩 芍藥半兩 元參 丹參各十銖 吳茱萸三十銖 右七味治下舖酒

服方寸七日三〇又方 狼牙兩把以水五升煮取一升洗日五六度

治男女陰蝕略盡方 蝦蟇 兔屎 右二味等分為末取傅瘡上〇又方 蛇床子一方用芎藭 當歸 芍藥

甘草各一兩 地榆三兩 右五味咬咀以水五升煮取二升洗日三夜二〇又方 蒲黃一升水銀一兩 右

二味研以粉其上〇又方 肥猪肉十斤以水煮取熟去肉盆中浸之冷易不過三兩度亦治陰中癢有蟲

〔衍義〕陰瘡多由濕熱所致濕盛則多癢熱盛則多痛濕熱交併則癢痛熾腫甚則腐爛生蟲蟲亦濕熱所

化淫襲不禁者多此陰瘡膏中芍藥和血療寒熱黃芩主惡瘡疽蝕壯蠟治赤白帶下附子破癥堅積聚白

芷療陰腫寒熱煎用豬脂滋血解毒和以米粉止痛生肌專藉附子透入陰經也 陰中痛生瘡用羊脂滋

血杏仁殺蟲白芷散腫芎藭和營專取羊脂引入蟲口 男女陰中濕瘡雖用連柏苦燥山梔甘草清火不

得蛇牀不能治男子陰痿濕癢婦人陰中腫痛 陰瘡用蕪荑礬石雄黃殺蟲苓連散火甘芷消腫芎藭和

血不得附子不能解散陰毒 陰中如蟲行專用礬石治癢芎藭和血丹砂鎮攝陰火也 陰癢入骨厥陰

火鬱不得發泄也非大黃黃芩不能導之使下非吳茱萸不能通之使散非蒼芍二參不能解散鬱熱也○

又方 單用狼牙為殺蟲解毒專藥 男女陰蝕血肉略盡諒非草根木實可療故取蝮蝮蝕月之義以治

陰蝕太陰月兔之屎以逐陰穢非精明陰陽至理者難以體此○又方 用歸芍甘草地榆和血止痛不得

蛇牀無以化濕熱生蟲之隱疾○又方 用蒲黃散血水銀殺蟲亦陰蝕之峻藥 猪肉煮湯浸洗雖能止

痛安蟲然浸後須加傅治庶杜復發之虞以上諸治須詳濕盛熱盛有蟲無蟲隨證採用可也

治女人交接輒血出方 桂心 伏龍肝各二兩 右二味為末酒服方寸匕立止

治童女交接陽道違理及為他物所傷血出流離不止方 取釜底墨少許研胡麻以傅之○又方 燒繭絮

灰傅之○又方 燒青布并髮灰傅之立愈

治合陰陽輒痛不可忍方 黃連一兩半 牛膝 甘草各一兩 右三味咬咀以水四升煮取二升洗日四度

治婦人傷於丈夫四體沉重嘔吸頭痛方 香豉 葱白各一升 生地黃八兩 生薑四兩 甘草二兩 芍藥三兩

右六味咬咀以水七升煮取二升半分三服不瘥重作慎房事集驗方無生薑甘草

白玉湯 治婦人陰陽過度玉門疼痛小便不通方 白玉二兩半 白朮 當歸各五兩 澤瀉 茯苓各二兩 右五

味咬咀以水一斗煎玉五十沸去玉內藥煎取二升分再服相去一炊頃

〔衍義〕女人交接出血多由衝脈受傷方用桂心辛溫散血伏龍肝暖臟生肌故爲首推 次用釜底墨亦能止血生肌兼取胡麻之潤以緩痛也 繭絮灰青布灰髮並能止血 交合輒痛經脈受傷而蘊熱故用黃連散火牛膝和血甘草緩痛 傷於丈夫而體重頭痛用葱白香豉之屬與女勞復之治相類卽有客邪發熱亦不出此 玉能滅瘢亦能止痛但取以通氣化兼用白朮以溫肉理當歸以和血脈菴蓉以滋精髓 澤瀉佐白玉以通氣化皆交接過傷之專法

治動胎見血腰痛小腹疼月水不通陰中腫痛方

蒲黃

當歸

切各二兩

葱白

一斤

吳茱萸

阿膠

各一兩

右五

味以水九升煮取二升半去滓內膠令烊分三服

治妊娠爲夫所動欲死單行竹瀝汁方

取淡竹斷兩頭節火燒中央器盛兩頭得汁飲之立效

桑根白皮湯

治傷于丈夫苦頭痛欲嘔心悶方

桑根白皮

半兩

乾薑

二兩

桂心

五寸

大棗

二十枚

右四味

咬咀以水一斗煮取三升去滓分三服適衣無冷汗出

治嫁痛單行方

大黃十八銖取好酒一升煮三沸頓服之佳

治小戶嫁痛連日方

甘草

三兩

芍藥

半兩

生薑

十八銖

桂心

六銖

右四味

咬咀以酒二升煮三沸去滓盡服

神效○又方

牛膝五兩以好酒三升煮取一升半去滓分三服

治小戶嫁痛方 烏賊魚骨燒爲屑酒服方寸匕日三

〔衍義〕動胎見血與因病而胎息不安之治不同此方以蒲黃散血當歸和血阿膠止血吳茱萸下氣止痛葱白溫血安胎而無母病之糾纏也 竹瀝寒降惟妊娠肥盛多痰胎逆喘滿者爲宜 腎氣過勞而胎氣上逆喘悶欲嘔者則以薑桂收攝虛陽大棗安和脾氣桑根白皮開泄逆上喘滿之氣 酒煮大黃既能消腫亦能泄火惟氣盛壯實者爲宜 小戶嫁痛而瀉瀉惡寒翕翕發熱用桂枝湯本非表邪但取和營故減桂枝以下體傷不宜更實中土故去大棗○又方 單用牛膝酒煮專和血脈之傷損 烏賊骨爲氣竭肝傷厥陰散血之專藥且味鹹兼走少陰故小戶受傷爲之的藥

治陰寬大令窄小方 兔屎 乾漆各半兩 鼠頭骨二枚 雌雞肝二枚陰乾百日 右四味爲末蜜丸如梧子月初七日

合時著一丸陰頭令徐徐內入三日知十日小五十日如十五歲童女一本無乾漆有礬石

〔衍義〕婦人具體稟乎坤儀盈虧同乎月朏原夫玉門寬窄雖係生成然多有交接過勞傷殘經絡不能收持者非力爲圖治胡能復其本來故取月兔之遺同氣相引以療積陰之固疾乾漆之治絕傷以破宿昔之瘀滯鼠頭骨之善竄少陰以利陰曲之機竅生雞肝之直達厥陰以修廢弛之關闕共襄破宿生新之功若不因敗損無瘀濁下溢者則當從去乾漆易礬石例治證雖猥褻略無及于狎昵之味智圓行方于此可徵治陰冷令熱方 肉食茱萸于牛膽中令滿陰乾百日每取二七枚綿裹之齒嚼令碎內陰中良久熱如火

〔衍義〕陰冷乃肝氣失職生陽不能下達至陰故用食茱萸溫散厥陰之味製以牛膽并清瀾陰之不潔然須日用無間庶克有濟兼進八味腎氣尤爲得力

灸法

月水不利責豚上下并無子灸四滿三十壯穴在丹田兩邊相去各兩寸半丹田在臍下二寸是也 婦人胞落類灸臍中三百壯 又灸身交五十壯三報在臍下月橫交中 又灸背脊當臍五十壯 又灸玉泉五十壯三報 又灸龍門二十壯三報在玉泉下女人入陰內外之際此穴卑今廢不針灸 婦人胞下垂注陰下脫灸俠玉泉三寸隨年壯三報 婦人陰冷腫痛灸歸來三十壯三報俠玉泉五寸是其穴 婦人欲斷產灸右踝上一寸二壯卽斷

孫真人備急千金要方衍義卷三終

孫真人備急千金要方卷四

長洲張 璠路玉衍義

南沙席 世臣郢客校

婦人方下 凡四類

補益第十八 論一首 方十四首

論曰凡婦人欲求美色肥白罕比年至七十與少不殊者勿服紫石英令人色黑當服鍾乳澤蘭丸也

柏子仁圓 治婦人五勞七傷羸冷瘦削面無顏色飲食減少貌失光澤及產後斷緒無子能久服令人肥白

補益方 柏子仁 黃耆 乾薑 鍾乳 白石英 紫石英各二兩 蜀椒一兩 杜仲 當歸 甘草 芎藭

各四十 厚朴 桂心 桔梗 赤石脂 菴蓉 五味子 白朮 細辛 獨活 人參 石斛 白芷

芍藥各一兩 澤蘭二兩 藁本 蕪荑各十 乾地黃 烏頭一方作牛膝 防風各三 右三十味為末蜜和酒服二十

丸如梧子小知加至三十丸千金翼無烏頭有龍骨防葵茯苓秦芫各半兩并治產後半身枯痺

〔衍義〕千金立方之義專以方下所主之證為主此方主治總以羸冷二字為之綱旨故用鍾乳紫白石英

赤石脂為峻溫藏氣之專藥較大五石澤蘭丸中所用石藥祇少禹糧石膏較小五石澤蘭丸祇少陽起石

石膏蓋禹餘糧主腹中雷鳴陽起石專主冷勞虛損小五石中以有礬石大五石中以有龍骨故用石膏以

清解二藥之滯滯此方專主羸冷羸之與勞輕重懸殊既無藉於斂滯亦無庸於清解其立方本意全在崩

中經漏崩中經漏係衝脈所主衝脈附肝而行原非脾腎之病故無藉禹糧陽起石也石性重著故須薑棗辛烏等雄悍以發之然用溫補必兼辛散而厚朴爲疏通裏氣之要藥如局方消風散既用人參助風之勢又以厚朴疎裏氣之壅不出此方之成則耳然用厚朴之義有二一輔白朮健運中氣一統蕪蕪清理濁帶以婦人經行時風入胞門而患濁帶者多故用防風藁本白朮獨活等風藥協力祛之所謂治病必求其本也所以大小五石澤蘭丸大小澤蘭丸三石澤蘭丸鍾乳澤蘭丸增損澤蘭丸澤蘭散諸方無不用等味爲補中寓瀉之法諸方之下雖不言濁帶而崩淋漏下無不起於濁帶也且防風能助黃耆白朮甘草固密腠理兼有川芎杜仲地黃芍藥菴蓉五味人參滋補氣血胡慮面顏之不光澤也其用柏子仁桔梗石斛澤蘭者取其清潤以制諸藥之燥烈而獨以柏子仁名方者以其能達心包保護君主也其桔梗開提肺氣石斛專司清胃不使熱藥之性上干肺胃也觀大小五石復以澤蘭名方者爲其專於調經故總不出等味爲石藥之監制耳 前云服紫石英令人色黑當服鍾乳澤蘭丸以紫石英性專溫血溫色必緇黑此方原以鍾乳澤蘭益氣調經爲主雖有紫石英不專溫血故服之令人肥白也

大五石澤蘭丸 治婦人風虛寒中腹內雷鳴緩急風頭痛寒熱月經不調繞臍惻惻痛或心腹痞堅害飲食手足冷多夢身體痺痛營衛不和虛弱不能動及產後虛損並宜服方 鍾乳 禹餘糧 紫石英 甘草

黃耆

各二兩半

石膏

白石英

蜀椒

乾薑

各二兩

澤瀉

一兩

當歸

桂心

芎藭

厚朴

柏子仁 乾地黄

細辛 茯苓 五味子 龍骨各一兩半 石斛 遠志 人參 續斷 白朮 防風 烏頭各三兩 山茱萸 紫

苑各一兩 白芷 薤本 蕪荑各十兩 右二十二味為京蜜丸梧子大酒服二十丸加至三十丸有陽起

石二

小五石澤蘭圓 治婦人勞冷虛損飲食減少面無光色腹中冷痛經候不調呼吸少氣無力補益温中方

鍾乳 紫石英 礬石各一兩半 白石英 赤石脂 當歸 甘草各四兩 石膏 陽起石 乾薑各一兩 澤蘭二兩

六 磁石 龍骨 桂心各二兩半 白朮 芍藥 厚朴 人參 蜀椒 山茱萸各三兩 柏子仁 薤本各一兩 蕪荑

十八 右二十三味為京蜜和丸如梧子大酒服二十丸加至三十丸日三

〔衍義〕大五石澤蘭圓專主風虛寒中以寒積子藏繞臍惻惻痛非諸辛燥石藥不能温之風入胞門而腹

內雷鳴非防止等風藥不能透之與柏子仁丸之大端不殊丹方一味白芷為都梁丸總取祛風之義此方

即於柏子仁丸中除去石脂諸味配入禹餘糧等以實脾收津為務非若柏子仁丸杜風固經之比按赤脂

禹糧仲景治下焦利不止並用作湯專於固脫致之本經赤石脂主女子崩中漏下禹餘糧治咳逆寒熱大

五石方下原有寒熱等證用禹餘糧最為合宜小五方下全無風證故去烏頭細辛防風芎芷等藥但加陽

起礬石石脂等味專行固脫扶陽故所加之味尤為必需 上方皆鍾乳與朮並用專取相對激其成功拘

於繩墨者不可與言至巧也

增損澤蘭圓 治產後百病理血氣補虛勞方 澤蘭 甘草 當歸 芎藭 各四十 附子 乾薑

白朮 白芷 桂心 細辛 各二兩 防風 人參 牛膝 各三 柏子仁 乾地黄 石斛 各三十

厚朴 藜本 蕪荑 各半兩 麥門冬 一兩 右二十味為末蜜丸如梧子大空心酒下十五丸至二十

丸

〔衍義〕增損者增附子門冬牛膝損諸石龍骨等鎮固重劑也方下所主本經原無藉於等味產後厥陰用

事風藥良不可缺但不必烏頭之峻攻而易附子溫經為常用門冬者即金匱溫經湯之成法產後以清理

惡露為主一切固瀉咸為切禁故用牛膝之類潤下佐澤蘭為引導也

大補益當歸圓 治產後虛羸不足胸中少氣腹中拘急疼痛或引腰背痛或所下過多血不止虛極乏氣晝

夜不得眠及崩中面目脫色唇乾口燥亦治男子傷絕或從高墮下內有所傷藏虛吐血及金瘡傷犯皮肉

方 常歸 芎藭 續斷 乾薑 阿膠 附子 白朮 吳茱萸 芍藥 各二兩 白芷 各三兩 桂心 乾地黄

十兩 右十三味為末蜜和丸如梧子大酒服二十九日二夜一不知加至五十九丸若有真蒲黃加一升絕妙

白芷圓 治產後所下過多及崩中傷損虛竭少氣面目脫色腹中痛方 白芷 五兩 乾地黄 四兩 續斷 乾

薑 當歸 阿膠 各二兩 附子 一兩 右七味為末蜜丸如梧子大酒服二十九日四五服無當歸芎藭代入

蒲黃一兩無續斷大藟根代

〔衍義〕大補益當歸圓與前三卷中大補中當歸湯相類專主產後崩中不止卽於增損澤蘭圓中又行增損去澤蘭柏仁人參冬斛辛防朴藁牛膝燕莢加入阿膠茱萸芍藥續斷專力溫經得溫則流行無滯正得補而行止有常縱有墮墜損傷究可藉以溫散可無積滯之虞矣至白芷圓主治相類而損之又損并去地黃芩桂甘朮芍莢僅存七味藥愈損而功愈增百鍊精金其斯之謂歟

紫石英柏子仁圓 治女子過冬天時行溫風至春夏病熱頭痛熱毒風虛百脈沉重下赤白不思飲食而頭

眩心悸酸嘶恍惚不能起居方 紫石英 柏子仁各三兩 烏頭 桂心 當歸 山茱萸 澤瀉 芎藭

石斛 遠志 寄生 菴蓉 乾薑 甘草各二兩 蜀椒 杜衡一作杜仲 玄胡各一兩 細辛一兩 右十八味爲末

蜜和丸如梧子酒服二十九丸漸加至三十九丸日三服 一方用杜蠟一兩

〔衍義〕檢先哲方如參尊宿公案非心心相印何以體此此方治女子過冬天時行溫風至春夏病熱頭痛熱毒風虛等證而所用諸藥渾是溫養血氣之味天冬時溫風久伏至春夏而發溫熱頭痛豈辛溫助火重著補虛之品所可治乎逆推病情惟熱毒風虛四字爲致病之大綱惟其虛故風得久藏而化毒熱惟其虛故陽不統陰而下赤白雖證見發熱頭痛殊非溫病熱病通身壯熱煩渴頭痛之比下方原云溫風風爲木邪同氣相感必入厥陰所以頭眩心悸風主運動故也況明言百脈沉重而下赤白不思飲食不能起居種種皆陽氣不足不能統攝陰津而致下脫是不得不從事辛溫填補血氣爲務也因考諸本經言杜衡治溫

風中入腦戶頭腫痛涕淚柏子仁益氣除風熱辛夷治頭痛腦痛芎藭治中風入腦頭痛寒痹葉參經旨總
主冬時溫風入藉於腦之患常見婦人產後起居不慎而病頭風腦痛雖蒸蒸熱却大畏虛風雖當夏月
尚喜重綿裹護斯非熱毒風虛之一驗乎其用石斛澤瀉寄生者一以清胃進食一以利水導熱一以飭理
赤白也若不達斯義以為此方主治春夏溫熱與負薪救燬不殊殊失千金立方之奧矣

鍾乳澤蘭圓

治婦人久虛羸瘦弱甚肢體煩痛臍下結冷不能食面目瘀黑憂恚不樂白病方

鍾乳三兩

澤蘭

三兩
六銖

防風

四十人
二銖

柏子仁

麥門冬

乾地黄

石膏

石斛

芎藭

甘草

白芷

山茱萸

薯蕷

當歸

蘘本

各三
十銖

細辛

桂心

各一
兩

蕪荑

艾葉

十八
銖

子酒服二十九丸加至四十九丸二服

〔衍義〕此方專主臍下結冷肢體煩熱故用鍾乳桂心艾葉峻溫其下石膏石斛麥冬分清其上其餘諸味

各隨所主總以補下治本清上治標為務也

大澤蘭圓

治婦人虛損及中風餘病痼瘕陰中冷痛或頭風入腦寒痺筋變緩急血閉無子面上遊風去來

目淚出多涕唾忽忽如醉或胃中冷逆胸中嘔不止及泄痢淋瀝或五臟六腑寒熱不調心下痞急邪氣欬

逆或漏下赤白陰中腫痛胸脇支滿或身體皮膚中澀如麻豆若癢痰癖結氣或四肢拘攣風行周身骨節

疼痛目眩無所見或上氣惡寒瀉瀉如瘧或喉痹鼻鼈風癩癩疾或月水不通魂魄不定飲食無味并產後

內衄無所不治服之自令人有子方 澤蘭二兩六銖 薑本 當歸 甘草各一兩十八銖 紫石英三兩 芎藭 乾地黄

柏子仁 五味子各一兩半 桂心 石斛 白朮一兩六銖 白芷 茯苓 厚朴 防風 薯蕷 茯苓 乾薑

禹餘糧 細辛 卷柏各一兩 蜀椒 人參 杜仲 牛膝 蛇牀子 續斷 艾葉 蕪荑各十銖 赤石脂

石膏各二兩 右三十二味為京蜜和丸如梧子大酒服二十丸至四十丸久赤白痢去乾地黄石膏麥門冬

柏子仁加大麥蘗陳麩龍骨阿膠黃連各一兩半有鍾乳加三兩良○一方有枳實十八銖麥冬二兩半

小澤蘭圓 治產後虛羸勞冷身體尪瘦方 澤蘭二兩六銖 當歸 甘草各一兩十八銖 芎藭 柏子仁 防風 茯苓

各一兩 白芷 蜀椒 薑本 細辛 白朮 桂心 蕪荑 人參 食茱萸 厚朴各十銖 石膏二兩 右十

八味為京蜜和丸如梧子大酒服二十丸日三服稍加至四十丸無疾者依此方春秋二時常服一劑甚良

有病虛羸黃瘦者服如前○一方無茯苓石膏有芍藥乾薑

〔衍義〕方以澤蘭命名原為調經而設以調經必須風藥補虛必須溫味所以大澤蘭圓借治方下諸證咸

為合宜惟治鼻鼈喉痹難以槩論鼻鼈雖屬風寒客於頭腦鬱遏既久乃從火化所以氣壅不通煮雖鬱熱

非假芎辛之溫散不能通達喉痹多屬龍火鬱發最暴大禁辛溫祇暴寒卒犯少陰而喉痛聲瘖不腫不渴

一證非溫不克然用熱破陰仍須鹹寒治標則卷柏又為必須至人臨證洞若觀火諒無不辨寒熱之理干

金處方如主帥統師大則大用小則小用其大澤蘭圓通治一切虛冷藥品不得不繁 小澤蘭圓專主產

後羸瘦無藉三石蛇牀等重劑但進食菜羹一味振發參朮芎歸之力以助澤蘭蔓本治產後虛羸綽有餘裕矣

紫石英天門冬圓 治風冷在子宮有子常墮落或始為婦便患心痛仍成心疾月水都未曾來服之肥充令

人有子方 紫石英 天門冬 禹餘糧各三兩 燕萐 烏頭 菴蓉 桂心 甘草 五味子 柏子仁

石斛 人參 澤蘭 遠志 杜仲各二兩 蜀椒 卷柏 寄生 石南 雲母 當歸 烏賊骨各一兩 右

二十二味為衣蜜丸如梧子酒服二十九日二服加至四十九

〔衍義〕紫石英柏子仁丸主風寒襲於腦戶而化毒熱故用細辛辛夷以搜腦戶之虛風柏仁杜蘅以清顛頂之毒熱此以風寒襲入胞門而墮胎息故用石南雲母以溫子藏之沉寒卷柏烏賊以清血室之瘀熱則諸溫補各司其職而臟腑安和衝任無滯心腹之疾自愈也

三石澤蘭圓 治風虛不足通血脈補寒冷方 鍾乳 白石英各四兩 紫石英 防風 藁本 伏神各一兩

澤蘭二兩 黃耆 石斛 石膏各二兩 甘草 當歸 芎藭各一兩 白朮 桂心 人參 乾薑 獨活

乾地黃各一兩半 白芷 桔梗 細辛 柏子仁 五味子 蜀椒 黃芩 菴蓉 芍藥 秦朮 防葵各一兩

厚朴 燕萐各十銖 右三十二味為衣蜜丸如梧子酒服二十九日加至三十九日二三服

〔衍義〕增損澤蘭圓即大小澤蘭圓之稍變三石澤蘭圓即大小五石澤蘭圓之稍變以其專主風虛血脈

不通故於大五石中除去餘糧龍骨小五石中除去礬石石脂等瀉固之藥專藉防禁以通血脈與大小五石同源異派

大平胃澤蘭圓 治男子女人五勞七傷諸不足定志意除煩滿手足虛冷羸瘦及月水往來不調體不能動

等方 澤蘭 細辛 黃耆 鍾乳各三兩 柏子仁 乾地黃各二兩半 大黃 前胡 遠志 紫石英各二兩 芍藥

白朮 蜀椒各一兩半 白芷 丹參 枳實一作梔子 芍藥 桔梗 秦朮 沙參 桂心 厚朴 石斛 苦參

人參 麥門冬 乾薑各一兩 附子一枚 吳茱萸各五合 陳麴一升 棗五十枚 右三十二味為交蜜丸

梧子大酒服二十丸加至三十丸令人肥健一本無乾薑有當歸三兩

〔衍義〕不讀金匱方無以知千金之法源不讀千金方何以廣金匱之變法此以大平胃名方則知專平胃

中陳氣也而方中一派峻補之藥與柏子仁圓大小五石澤蘭圓三石澤蘭圓等方大都彷彿惟麴蘖枳朴

大黃平胃之品為承氣之正治其間補瀉雜陳寒熱互用良難體會其旨三復求之始知其為金匱薯蕷丸

之變方方中秦朮前胡細辛白芷即薯蕷丸中柴胡防風杏仁白欬開發風氣之變法澤蘭柏子仁門冬沙參

即薯蕷丸中門冬桔梗清潤膈氣之變法麴蘖大黃即薯蕷丸中法麴大豆黃芩疏通裏氣之變法椒薑黃

附協濟參芪白朮生乾地黃即薯蕷丸中乾薑桂枝協濟四君四物溫理血氣之變法較薯蕷丸藥雖異而

理一揆且配合不可思議參芪得桂附則補而不瀉桂附得芍地則溫而不烈麴蘖大黃得參朮桂附則泄

而不利允為補中寓瀉之良法不特為薯蕷丸之變方又為大黃廐蟲丸之變法觀方下主治恰與大黃廐蟲丸相類彼以內有乾血故廐塵乾漆為專藥此以胃有陳氣則麴蘖大黃為必需况人參助朮石英輔乳較柏子仁丸等方之反激愈甚立法愈奇何怪當世醫師目睹全匱千金諸方而為目眩也達權之士但當精研其旨必不固守其方期可法千金之妙用亦何妨適俗之變通也

澤蘭散

治產後風虛方

澤蘭五分禹餘糧

防風 石膏

白芷 乾地黄

赤石脂

肉蓯蓉

鹿茸

芎藭

各八分

藁本 蜀椒

白朮

柏子仁

各五分

桂心

甘草

當歸

乾薑

各七分

蕪荑

細辛

厚朴

各四分

人參三分

右二十二味為末治下篩酒服方寸匕三

〔衍義〕

男子以煖腎為補益婦人以調經為補益而經漏多主中虛故藁本細辛防風白芷為本藥然經漏

每挾瘀滯則澤蘭芎藭厚朴蕪荑尤為必需所以柏子仁圓等一十三方大都相類惟固脫則兼龍骨礬石

開結則兼防葵杜蘅壯火則兼石南雲母清熱則兼卷柏柏仁更一佐使而所主各司其任矣此主產後風

虛乃取鹿茸血氣所鍾之味配入劑中與大巖蜜鹿茸散蒲黃散等方藥雖繁簡不侔而溫補之功用彷彿

其用鹿茸者與大補益當歸圓中阿膠同義其方中禹餘糧防風澤蘭最多而人參反少於蕪荑細辛厚朴

者不過借以鼓發鹿茸地黃輩血藥之性原非用以益氣也孰謂錙銖可忽乎

乾薑圓 治婦人寒熱羸瘦酸消怠惰胸中支滿肩背脊重痛腹裏堅滿積聚或痛不可忍引腰小腹四肢

煩疼手足厥逆寒至肘膝或煩滿手足虛熱意欲投水中百節盡痛心下常苦懸痛時寒時熱惡心涎唾喜

出每愛鹽酸甜苦之物身體或如雞皮月經不通大小便苦難食不生肌方 乾薑 芎藭 茯苓 消石

杏仁 水蛭 蠱蟲 桃仁 蟬蛸 柴胡 廔蟲各一 芍藥 人參 大黃 蜀椒 當歸各二 右十

六味為交蜜丸梧子大空心飲下三丸不知加至十丸 千金翼以療婦人瘕粘脇肋下疾

〔衍義〕夫溝渠壅塞則水道不通血脈阻滯則經閉絕婦人經閉不行非中有乾血何致積久不通觀干

金此門諸方縱有寒熱交錯緩急輕重不同一皆破血為務乾薑丸雖本玉函抵當丸兼金匱下瘀血湯大

黃蠶蟲丸等法而藥味兼護且用蜜丸而所服甚少藥雖峻猛而用法最緩蠱蟲廔蟲攻血之專劑濟以消

黃椒薑和以芎歸芍藥佐以桃杏柴芩使蠱蟲等味得寒熱五擊之威助以人參壯諸藥力續續循搜為破

除乾血之良法蓋久伏之瘀在人身中與元氣混成一片雖急攻之不能速去故宜峻藥緩攻法克有濟所

以治乾血之方用丸居多間用酒煎以行經絡湯則藉為前導繼之以丸可也

桃仁湯 治婦人月水不通方 桃仁 朴硝 牡丹 射干 土瓜根 黃芩各三 芍藥 大黃 柴胡各四

兩牛膝 桂心兩 水蛭 蠱蟲各七 右十三味咬咀以水九升煮取二升半去滓分三服○又方 桃

仁一升 當歸 土瓜根 大黃 水蛭 蠱蟲 芒硝各二 牛膝 麻子仁 桂心各三 右十味咬咀以

水九升煮取三升半去滓內硝令烊分爲三服

肘後無當歸麻子仁用牡丹射干黃芩芍藥柴胡各一兩千金翼無蠶蟲

芒硝湯 治同前 芒硝 丹砂各 當歸 芍藥 土瓜根 水蛭各二兩 大黃三兩 桃仁一升 右八味 咀以水九升煮取三升去滓內丹砂芒硝分三服

〔衍義〕桃仁湯前後二方咸本之於抵當湯其間蠶蛭硝黃桃仁桂心牛膝土瓜根等味皆同而前方又出肘後原其用柴胡黃芩之意必是乾血內逆熱蒸於上故用少陽經藥兼射干降而泄之牡丹芍藥不特和營兼滋乾血使之得潤而可漸通也其後方用當歸滋燥卽前方牡丹芍藥和營之意用麻仁潤下卽前方射干降泄之意以無蒸熱故不用少陽經藥也 其芒硝湯一方藥止八味乃抵當湯丸之三土瓜根散之二桃仁湯中之七獨以丹砂一味鎮攝心主使血各歸其鄉不致竄入科囊復爲瘀積既敗之血隨硝黃水蛭桃仁引之下泄與桃仁湯前後並馳無分優劣

硝石湯 治血瘦月水留瘀血大不通下病散堅血方 硝石 附子 蠶蟲各三兩 大黃 細辛 乾薑 黃

芩各一兩 芍藥 土瓜根 丹參 代赭 蟻螬各二兩 大棗十枚 桃仁二升 牛膝一斤 朴硝四兩 右十六味

咀咀以酒五升水九升漬藥一宿明旦煎取四升去滓下朴硝消石烊盡分四服相去如炊頃去病後食黃

鴨糞勿見風

〔衍義〕方中芒硝消石並用一治五臟積熱一逐六腑積聚大黃附子並用一治固結沉寒一泄閉滯積氣

剔蝕蠱蟻糟得以振破堅散血之功也

乾漆湯

治月水不通小腹堅痛不得近方

乾漆 歲麩 芍藥 細辛 附子 甘草各一兩 當歸 桂心

芒硝

黃芩各二兩 大黃三兩 吳茱萸一升

右十二味咬咀以清酒一斗浸一宿煮取三升去滓內硝烺盡

分三服相去如一炊頃

治月經不通心腹痛絞欲死通血止痛方

當歸 大黃 芍藥各三兩 吳茱萸 乾地黃 乾薑 芎藭

蟲

水蛭各二兩

細辛

甘草

桂心

梔子各一枚

桃仁十四枚

一升

右十四味咬咀以水一斗五升煮取五升

分五服 一本有牛膝麻子仁各三兩

〔衍義〕乾漆灰破血之猛帥濟以桂附硝黃交通寒熱縱久伏之血可無負隅之悍益以歸芍歲麩資其潤

澤可無堅乾之戚其細辛茱萸黃芩各隨寒熱之佐使耳 于乾漆湯中除去漆灰芒硝黃芩吳茱萸歲麩

易入蝨蛭桃杏乾薑梔子芎藭地黃等味總不外乎攻血之旨一以堅痛不移故用乾漆堅韌之物以磨礪

之一以絞痛攻擊是須蝨蛭蠕動之物以剝蝕之兩不移易之定法桃仁湯之變方也

前胡牡丹湯

治婦人盛實有熱在腹月經瘀閉不通及勞熱熱病後或因月經來得熱不通方 前胡 牡

丹 元參 桃仁 黃芩 射干 旋覆花 栝實根 甘草各二兩 芍藥 茯苓 大黃 枳實各三兩 右

十三味咬咀以水一斗煮取三升分三服

黃芩牡丹湯 治女人從小至大月經未嘗來顏色萎黃氣力衰少飲食無味方 黃芩 牡丹 桃仁 瞿

麥 芎藭各二兩 芍藥 枳實 射干 海藻 大黃各三兩 蟲蟲七十枚 水蛭五十枚 蟪蟪十枚 右十三味咬

咀以水一斗煮取三升分三服服兩劑後灸乳下一寸黑員際各五十壯

〔衍義〕二方一因婦人所稟偏於熱勝及病後餘熱流於血室而致不月故用前胡旋覆下熱氣而散餘邪黃芩元參以化無形之氣枳實大黃以導有形之熱丹皮芍藥桃仁以潤燥安營射干栝蘘茯苓甘草以降氣利膈氣血交通當無慮於月事之阻滯矣一以女子月素未通或鬱熱內戕而致血結不行故用黃芩丹皮以化熱枳實大黃以導滯芍藥桃仁以和營射干瞿麥海藻以降逆蟲蛭蟪蟪以破血也其前胡牡丹湯本金匱旋覆花湯專祛子藏風氣以無乾血故無藉於蟲蛭黃芩牡丹湯本之抵當以無風氣餘熱故無取於柴芩其用海藻瞿麥與栝蘘茯苓無異總輔射干以建開痰利水之勳耳

牡丹圓 治婦人女子諸病後月經閉絕不通及從小來不通并新產後瘀血不消服諸湯利血後餘痰未平

宜服之取平復方 牡丹三兩 芍藥 元參 桃仁 當歸 桂心各二兩 蟲蟲 水蛭各五枚 蟪蟪二枚 瞿麥

芎藭 海藻各一兩 右十二味爲末蜜和丸如梧子大酒下十五丸加至二十丸血盛者作散服方寸匕腹

中當轉如沸血自化成水去如小便赤少除桂心用地膚子一兩

〔衍義〕此以黃芩牡丹湯小變其法湯以急瀉故用大黃丸以緩攻故用桂心總藉蟲蛭蟪蟪之力也血盛

者作散服後血化成水而下即除桂心而用地膚清熱利水水即血之所化無限活法惟在詳見證之緩急耳

乾地黃當歸圓 治月水不通或一月再來或隔月不至或多或少或淋瀝不斷或來而腰腹刺痛不可忍四

體嘔吸不欲食心腹堅痛有青黃黑色水下或如清水不欲行動舉體沉重惟思眠臥欲食酸物虛乏黃瘦

方 乾地黃二兩 當歸 甘草各一 牛膝 芍藥 乾薑 澤蘭 人參 牡丹各一兩 丹參 蜀椒 白

芷 黃芩 桑耳 桂心各一 蠶蟲四十 芎藭一兩十 桃仁二兩 水蛭 蠶蟲各七 蒲黃二合 右二十一

味為末蜜丸如梧子每日空心酒下十五丸漸加至三十丸以知為度

〔衍義〕月經雖常不通而有時暫來有時復阻且見腹痛下青黃水明是乾血內滯欲成崩漏之兆故立方

不離四物調經為主參入蠶蜜桃仁以破滯血椒薑桂心以開結積黃芩桑耳以通旺氣人參以助藥力其

餘諸味散血調經之佐也

治月經不通方 取葶藶一升為末蜜丸如彈子大綿裹內陰中入三寸每丸一宿易之有汗出止

〔衍義〕破血之藥頗多獨取葶藶為導專行破積利水水去則血隨之而化矣

乾漆圓 治月經不通百病不瘥方 乾漆 土瓜根 射干 芍藥各一兩半 牡丹 牛膝 黃芩 桂心 吳

茱萸 大黃 柴胡各一兩 六銖 桃仁 鱉甲各二 廩蟲 螻蛄各四 水蛭 蠶蟲各七 大麻仁四合 亂髮雞子

枚菴藟子二合

右二十味為末以蜜和為丸每日酒下十五丸如梧子大漸加至三十丸日三仍用後浸

酒服前丸藥

〔衍義〕方下但言月經不通百病不瘥並未明言所見何病詳方中所用破血之味不待言矣其用柴胡鱉

甲必有日晡寒熱也用麻仁土瓜根者必是津液固結也用射干菴藟者必是上氣浮腫也用萸桂苓連者

必因本寒標熱也其餘牡丹芍藥牛膝桃仁輩皆乾漆蝨蛭之輔助也百病不瘥漸成勞瘵勞瘵之根不出

乾血如上等味雖有兼治然無一不為瘀血起見也

浸酒方 大麻子 菴藟子二升 桃仁 桂心 竈屋焙煤各四兩 土瓜根 射干各六兩 牛膝八兩 右八味攷

咀以清酒三斗絹袋盛藥浸五宿以一盞下前丸藥甚良或單服之亦好

〔衍義〕前乾漆圓羣隊破血曲盡百病不瘥之機而此復取方中七味加焙煤之輕浮散火浸酒服丸兩相

維輔並用單用未為不可

當歸圓 治女人臍下癥結刺痛如蟻所嚙及如錐刀所刺或赤白帶下十二疾腰背疼痛月水或在月前或

在月後方 當歸 葶藶 附子 吳茱萸 大黃各二兩 黃芩 桂心 乾薑 牡丹 芎藭各一兩 細辛

秦椒 柴胡 厚朴各一兩 牡蒙一方無 甘草各一兩 蝨蟲 水蛭各五枚 右十八味為末蜜丸如梧子空心酒

下十五丸日再有胎勿服之○又方 治腰痛月水不通利方 當歸 芎藭各四兩 蝨蟲 烏頭 丹參

乾漆各一兩 人參 牡蠣 土瓜根 水蛭各二兩 桃仁五十枚 右十一味爲末以白蜜丸如梧子大酒下三丸

日三服

〔衍義〕當歸丸前後兩方雖皆主治血結而有愆期闕絕之不同前方專主癥結故取用桂附椒薑吳茱萸

辛熱破結卽兼蠱蝱葶藶大黃予以病之出路用牡蒙細辛柴胡黃芩者爲帶下赤白而設以帶下多緣風

木也 後方專主閉絕不通故備用乾漆桃仁蠱蝱苦鹽逐血卽兼人參烏頭戮力破除其用人參用大黃

各有立見不得草草放過

蠶甲圓 治女人小腹中積聚大如七八寸盤面上下周流痛不可忍手足苦冷欬噓腥臭兩脇熱如火炙玉

門冷如風吹經水不通或在月前或在月後服之一月便瘥有孕此是河內太守魏夫人方 蠶甲 桂心

各一兩半 蜂房半兩 元參 蜀椒 細辛 人參 苦參 丹參 沙參 吳茱萸各十銖 水蛭 乾薑

牡丹 附子 皂莢 當歸 芍藥 甘草 防葵各一兩 蟪蝱二十枚 蘇蟲 大黃各一兩 右二十四味爲

末蜜丸如梧子大酒下七丸日三稍加以知爲度

〔衍義〕蠶甲入肝爲癥瘕瘡癰要藥有散血消積之功滋陰清熱之効無苦寒傷中之虞峻攻耗氣之患夫

癥瘕結塊婦人居多以經行時不慎起居血留成積者十常四五故千金往往用之此丸當分作五分看蠱

蝱蠱糟大黃爲小腹中積聚如盤而設乾血內著非苦寒不能逐之使下蠶甲苦沙元參爲兩脇熱如火炙

而設癰積旺氣非滋陰不能化之使解椒辛皂莢防蜂房爲上下周流痛不可忍而設風毒攻注非搜逐不能開之使泄薑桂萸附爲玉門冷如風吹而設寒結固疾非辛烈不能破之使散甘草人參二丹歸芍爲手足苦冷欬噫腥臭而設傷殘之餘非溫理血氣不能培之使和人但知鱉甲苦沙元參爲滋陰水熱之用不知本體所主無一不爲消堅散積之專藥至於防葵利血脈蜂房滌痰垢皆破敵之先鋒金匱鱉甲煎丸用之婦人小腹如扇用附子湯亦金匱法非千金不能得其肯綮也

又方 治婦人因產後虛冷堅結積在腹內月經往來不時苦腹脹滿繞臍下痛引腰背手足煩或冷熱心悶

致不欲食方 鱉甲 乾薑 赤石脂 丹參 禹餘糧 當歸 白芷一作白朮 乾地黃各一兩 代赭 甘草

鹿茸 烏賊骨 殭蠶各十 桂心 細辛 蜀椒 附子各一兩 右十七味爲末蜜和丸如梧子大空心酒

下五丸加至十丸

〔衍義〕此方治產後虛冷是須溫補爲宜雖有結滯滿痛而月事仍得往來與癰瘕固結不同故但取烏賊鱉甲緩散癰積可無藉於蝨蛭苦參等味也殭蠶白芷緩祛內風輔以椒辛可無藉於防葵蜂房等味也桂附乾薑專破冷結可無藉于吳茱萸也鹿茸溫養營血佐以歸地丹甘功力甚于人參也石脂禹糧代赭填補其空原無固結可無礙于止瀉也一以破結爲先一以溫補爲務二方可比例而論哉

禹餘糧圓 治婦人產後積冷堅癰方 禹餘糧 烏賊骨 吳茱萸 桂心 蜀椒各二兩半 當歸 白朮 細

辛 乾地黃 人參 芍藥 芎藭 前胡各一兩六銖 乾薑 三兩 礬石 六銖 白薇 紫苑 黃芩各十銖 蠶蟲一兩
右十九味爲末蜜和丸如梧子大空心酒下若飲二十九日仍不知則加之

〔衍義〕此與蠶甲丸第二方主治相類彼用白芷此用白薇彼用殭蠶此用前胡彼用石脂此用礬石彼用丹參此用紫苑彼用白朮此用甘草彼用蠶甲此用廬蟲彼用鹿茸此用人參藥雖變易而功用彷彿惟彼用附子以助鹿茸薑桂之雄此用黃芩分椒薑細辛之悍注消攸分於此稍異

牡蒙圓 治婦人產後十二癥病帶下無子皆是冷風寒氣或產後未滿百日胞絡惡血未盡便利于懸團上及久坐濕寒入胞裏結在小腹牢痛爲之積聚小如雞子大者如拳按之跳手噉噉然或如蟲嚙或如針刺氣時搶心兩脇支滿不能食飲食不消化上下通流或守胃痛連玉門背膊嘔逆短氣汗出小腹苦寒胞中創欬引陰痛小便自出子門不正令人無子腰膝疼痛四肢沉重淫躍一身盡腫仁來仁去大便不利小便淋瀝或月經不通或下如腐肉青黃赤白黑等如豆汁夢想不祥方一名紫蓋丸 牡蒙 厚朴 硝石 前

胡 乾薑 廬蟲 牡丹 蜀椒 黃芩 桔梗 茯苓 細辛 葶藶 人參 芎藭 吳茱萸 桂心
各十大黃二兩半 附子一兩六銖 當歸半兩 右二十味爲末蜜和更搗萬杵丸如梧子大空心酒服二丸日三

知則加之至五六丸下青白黃赤如魚子者病根出矣

〔衍義〕方下主治最繁總不出冷風寒氣四字爲致病之綱所以首推牡蒙前胡專祛胞門風氣餘皆因病

變證之治法與前當歸丸二方參看其義自明

治月經不通結成癥瘕如石腹大骨立宜此破血下癥方 大黃 硝石各六兩 巴豆 蜀椒各一兩 代赭 柴胡

熬水蛭 丹參熬令紫色 土瓜根各三兩 乾漆 芎藭 乾薑 蝨蟲 茯苓各二兩 右十四味為末巴豆別研

蜜和丸如梧子空心酒服二丸不知加至五丸日再服千金翼無柴胡水蛭丹參土瓜根

〔衍義〕癥結日久而致腹大骨立審無風氣崩帶別證夾雜但須專力破癥癥散則精自回形自復而柴胡

用熬欲其內疎肝氣無取外散之意惟氣虛不勝攻剋者未可輕試

大蠱蟲圓 治月經不通五七年或腫滿氣逆腹脹痛宜服此數有神驗方 蝨蟲四百枚 蟪蟪 一升 乾地黃

牡丹 乾漆 芍藥 牛膝 土瓜根 桂心各四兩 吳茱萸 桃仁 黃芩 牡蒙各三兩 茯苓 海藻各五兩

水蛭三百枚 芒硝 一兩 人參一兩半 薯蕷 五合 十九味為末蜜丸梧子大每日空心酒下七丸不知加之日三服

〔衍義〕癥結歲久月閉不通非師金匱之法無以措指方中蠱蟲水蛭蟪蟪乾漆桃仁芍藥地黃黃芩等味

大黃虜蟲丸中藥也其外牡蒙土瓜根牛膝牡丹專破癥積之癥葶藶海藻芒硝專破血化之水參苓桂心

專扶正氣而行藥力也

桂心酒 治月經不通結成癥瘕方 桂心 牡丹 芍藥 牛膝 乾漆 土瓜根 牡蒙各四兩 吳茱萸 升

大黃 三兩 黃芩 乾薑各二兩 蝨蟲二百枚 虜蟲 蟪蟪 水蛭各七枚 亂髮灰 細辛各一兩 礪蠶五十枚 大麻仁

龜突墨 三升 乾地黃 六兩 虎杖根

各五兩

鱉甲 兩

菴闔子 二升 右二十四味 咀以酒四斗 分兩甕 浸之七

日併一甕 攪令調和 分作四甕 初服二合 日二加 至三四合

虎杖煎

治腹內積聚 虛脹 雷鳴 四肢沉重 月經不通 亦治丈夫病方

取高地虎杖根 細剉 二斛 以水二石

五斗 煮取一大斗 半 去滓 澄瀘 令淨 取好醇酒五升 和煎 令如餲 每服一合 消息為度 不知則加之 ○又方

治月經不通 結瘕 腹大如蠶 短氣 欲死方

虎杖根 百斤 去頭去土 曬乾切

土瓜根

牛膝 各取汁 二斗

右三味 咀以

水一斛 浸虎杖根一宿 明日煎取二斗 內土瓜牛膝汁 攪令調和 煎令如餲 每以酒服一合 日再夜一宿 血

當下若病去 止服

桃仁煎

治帶下 經閉 不通方

桃仁

蠹蟲 各一升

朴硝 五兩 大黃 六兩

右四味 為末 別治桃仁 以醇苦酒

四升 內銅鑊中 炭火煎 至二升 下大黃 桃仁 蠹蟲 等 攪勿住手 當欲可丸 下朴硝 更攪勿住手 良久 出之 可

丸 乃止 取一丸 如雞子 黃 投酒中 頂一宿 勿食 服之 至晡時 下如大豆 汁 或如雞肝 凝血 蝦蟆子 或如膏 此

是病下也

治月經不通 甚極閉塞方

牛膝 一斤 麻子 三升 蒸

土瓜根 三兩 桃仁 二升

右四味 咀以好酒 一斗 五升 浸

五宿 一服 五合 漸加 至一升 日三能多 益佳

治產後風冷 留血 不去 停結 月水 閉塞方

桃仁

麻子仁 各一升

菴闔子 一升

右三味 咀以好酒 三斗 浸

五宿每服五合日三稍加至一升

〔衍義〕破血以酒捷以湯丸而所用之味與湯丸無異惟虎杖根龜突墨為散血利水之專藥其虎杖煎虎

杖土瓜根牛膝酒桃仁煎牛膝麻子土瓜桃仁酒桃仁麻子菴藷酒等方皆桂心酒中一鱗片甲耳

治月經不通臍下堅結大如杯盤發熱往來下痢羸瘦此為血瘕若生肉瘕不可為也療之方 生地黄十三斤取

乾漆一斤為末 右二味以漆末內地黃汁中微火煎令可丸每服酒下如梧子大三丸不知加之常以食

後服

〔衍義〕生地黄得乾漆灰則寒而不滯乾漆灰得生地黄則威而不猛真破瘕之專藥但須審元氣可任者

用之

五京湯 治婦人腹中積聚九痛七害及腰中冷引小腹害食得冷便下方 乾薑 蜀椒各三兩 附子八兩

茱萸一升當歸 狼毒 黃芩 牡蠣各二兩 右八味為末蜜和丸如梧子初服三丸日二加至十丸此出

京氏五君故名五京久患冷困者當服之

〔衍義〕此於金匱九痛丸中除去人參巴豆二味乃加蜀椒以下氣當歸以和血牡蠣以消堅黃芩以泄滿

蓋痛欲速療積宜緩追故用當歸黃芩以緩狼毒附子之急也

雞鳴紫圓 治婦人癥瘕積聚方 皂莢一分 藜蘆 甘草 礬石 烏啄 杏仁 乾薑 桂心 巴豆各

分 前胡 人參各四分 代赭五分 阿膠六分 大黃八分 右十四味為赤蜜丸如梧子雞鳴時服一丸日益

一丸至五丸止仍從一起下白者風也赤者癥瘕也青微黃者心腹病

〔衍義〕 皂莢藜蘆涌吐頑痰之首藥烏啄巴豆溫破堅積之猛藥人參大黃補中寓瀉之聖藥識此精義餘可例推矣

遼東都尉所上圓 治臍下堅癖無所不治方 恆山 大黃 巴豆各一分 天雄 苦參 白薇 乾薑 人

參 細辛 狼毒 龍膽 沙參 元參 丹參各三分 芍藥 附子 牛膝 茯苓各五分 牡蒙四分 蠶蘆六

分 右二十味為赤蜜丸宿勿食服五丸日三大羸瘦月水不調當二十五日服之下長蟲或下種種病出二十五日服中所苦悉愈肌膚盛五十日萬病除斷緒者有子

〔衍義〕 此治痰癖藥也痰癖多由風氣積聚故首推恆山以吐胸中逆滿亦取蠶蘆以利臍下堅癖其他諸藥悉隨嚮導而建破積之功略無干於破血之味也

牡蠣圓 治經閉不通不欲飲食方 牡蠣四兩 大黃一斤 柴胡五兩 乾薑三兩 芎藭 茯苓各三兩 蜀椒十兩

葶藶子 芒硝 杏仁各五合 水蛭 蠱蟲各半兩 桃仁七十枚 右十三味為赤蜜丸如梧子大飲服七丸日三

〔衍義〕 牡蠣葶藶為破結利水之要藥南陽治大病瘥後腰以下有水氣用之此治經閉不通血化為水土逆而見吐逆寒熱故用柴胡椒薑杏仁茯苓以下氣蠱蛭硝黃芩芎藭桃仁以破血與牡蠣澤瀉散同源異派

赤白帶下崩中漏下第二十

論二首 灸法八首 方六十三首

論曰諸方說三十六疾者十二癥九痛七害五傷三痢不通是也何謂十二癥是所下之物一曰狀如膏二曰如黑血三曰如紫汁四曰如赤肉五曰如膿痂六曰如豆汁七曰如葵羹八曰如凝血九曰如清血血似水十曰如米泔十一曰如月浣乍前乍却十二曰經度不應期也何謂九痛一曰陰中痛傷二曰陰中淋瀝痛三曰小便即痛四曰寒冷痛五曰經來即腹中痛六曰氣滿痛七曰汁出陰中如有蟲嚙痛八曰脇下分痛九曰腰脇痛何謂七害一曰窮孔痛不利二曰中寒熱痛三曰小腹急堅痛四曰藏不仁五曰子門不端引背痛六曰月浣乍多乍少七曰害吐何謂五傷一曰兩脇支滿痛二曰心痛引脇三曰氣結不通四曰邪思洩利五曰前後瘡寒何謂三痢一曰羸瘦不生肌膚二曰絕產乳三曰經水閉塞病有異同具治之方

白堊圓

治女人三十六疾方

又方 見後

白堊 龍骨

芍藥各十銖 黃連八銖

當歸

茯苓

黃芩

瞿麥

白薇

石韋

甘草 牡蠣

細辛

附子

禹餘糧

白石脂

人參

烏賊骨

蘘本

相皮

大黃

各半兩

右二十一味為末蜜和丸如梧子大空腹飲服十九日再不知加之二十日知一月白病除若十二癥倍牡

蠣萬餘糧烏賊骨白石脂龍骨若九痛倍黃連白薇甘草當歸若七害倍細辛相皮蘘本加蜀椒茱萸各一

兩若五傷倍大黃石韋瞿麥若三痢倍人參加赤石脂礬石巴戟天各半兩合藥時隨病增減之

〔衍義〕白堊丸前後兩方統治婦人三十六疾究其所主總不出帶下崩漏也方下所云十二癥者以子戶

傷損所下種種各有微驗雖非癥瘕若癥結不散久而具形漸成固疾矣子戶傷損血氣狼戾未有不爲諸病者痛久不已未有不害及經府者所以一方能主諸疾諸疾不離崩帶所謂治病必求其本也方以白堊命名取其溫中益氣專主寒熱癥瘕月閉積聚石脂治崩中漏下禹餘糧治血閉癥瘕龍骨治漏下癥瘕結堅牡蠣治赤白帶下五者皆本經主治烏賊骨治氣竭肝傷月事衰少不來此則素問主治其甚微細辛專散下襲虛風石韋瞿麥專祛下阻血熱芩連大黃專除內蘊積滯然非人參不足以助其力非附子不足以鼓其雄不特補瀉相需寒熱互用深得長沙妙旨而彙取兜澀之品以安傷殘之餘庶幾痛止害平氣血漸復是歸芍芩甘柑皮之屬雖庸不廢斯可藉以流布也 其第二方主治不殊而虛寒過甚關開廢弛故取鍾乳佐白堊輩以固脫利竅薑桂蜀椒佐附子以安中止崩白芷杜風治陰腫與藁本無異以方中辛烈過多故無藉人參柑皮助氣耳 其後月經不調例中復有白堊丸方乃於第一方中除去大黃茯苓藁本柑皮易入薑桂椒芷于第二方中除去鍾乳茯苓大黃仍從事於人參以無內蘊之滯故用法稍平其隨病增減之妙長沙之後千古一人而已

赤石脂圓 治女人腹中十二疾 一曰經水不時 二曰經來如清水 三曰經水不通 四曰不周時 五曰生不乳 六曰絕無子 七曰陰陽減少 八曰腹苦痛如刺 九曰陰中冷 十曰子門相引痛 十一曰經來凍如葵汁狀 十二曰腰急痛 凡此十二病得之時因與夫臥起月經不去或臥濕冷地及以冷水洗浴當時取快而後生百

病或瘡痍未癒便合陰陽及起早作勞衣單席薄寒從下方 赤石脂 半夏各一兩 蜀椒 乾薑 吳

茱萸 當歸 桂心 丹參 白薇 防風各一兩 藟蘆半兩 右十一味為末蜜和丸如梧子大每日空心

酒服十丸日三不知稍加以知為度

白石脂圓 治婦人三十六疾胞中痛漏下赤白方 白石脂 烏賊骨 禹餘糧 牡蠣各十兩 赤石脂 乾

地黃 乾薑 龍骨 桂心 石草 白薇 細辛 芍藥 黃連 附子 當歸 黃芩 蜀椒 鍾乳

白芷 芎藭 甘草各半兩 右二十二味為末蜜和丸如梧子大每日空心酒下十五丸日再 一方有

黃柏半兩

〔衍義〕婦人經癸不調總以溫理血氣為主或因形寒飲冷而阻絕不行或因房勞過劇而亡脫無度詳推

治例必於固脫劑中兼散乾血庶兩得之所以赤石脂圓雖用石脂必兼薑桂椒荑辛溫散結則石脂無兜

澀結痛之虞然非當歸丹皮不能使血歸經非白薇防風不能杜風祛熱更須半夏以清中焦營氣之原蘆

蘆以除癥瘕之積所謂標本兼該之治也 白石脂圓雖取白以固氣必兼赤以固血其禹餘糧等味則與

白聖丸相彷彿用歸芍此用芎藭猶退蘆本而進白芷之義也

小牛角鱧散 治帶下五賁一曰熱病下血二曰寒熱下血三曰經脈未斷為房事則血漏四曰經來舉重傷

任脈下血五曰產後臟開經利五賁之病外實內虛方 牛角鱧一枚燒 鹿茸 禹餘糧 當歸 乾薑

續斷各二 阿膠三兩 烏賊骨

龍骨各一兩

赤小豆二升

右十味治下篩空腹以酒服方寸七日

千金翼 無鹿茸

烏賊骨

〔衍義〕此方專主五賁下血方用角鯢以治帶下血崩鹿茸以治漏下惡血一止一散先為五賁之專藥禹

餘糧以治帶下赤白血閉癥瘕能行能止匡佐上二味之得益力更以龍骨輔角鯢烏賊輔鹿茸皆寓止散之機阿膠專主內崩乾薑專溫中氣小豆專清小腸當歸續斷專主衝帶二脈之病為崩帶之緊關也

龍骨散 治淳下十二病絕產一曰白帶二曰赤帶三曰經水不利四曰陰胎五曰子藏堅六曰藏癖七曰陰

陽患痛八曰內強九曰腹寒十曰藏閉十一曰五藏酸痛十二曰夢與鬼交宜服之

淳下一本 作腹下

龍骨三兩

黃柏 半夏 竈中黃土 桂心 乾薑各二兩 石韋 滑石各一兩 烏賊骨 代赭各四兩 白殭蠶五十枚 右十

一味治下篩酒服方寸七日三白多者加烏賊骨殭蠶各二兩赤多者加代赭五兩小腹滿加黃柏二兩子

藏堅加乾薑桂心各二兩已上各隨病增之服藥三月有子即在藥藥太多生兩子當審方取好藥真婦

童女不可妄服

〔衍義〕前小牛角鯢散專主內崩此龍骨散專清子藏方中龍骨代赭竈中黃土各司癥瘕堅結赤沃漏下

胎漏下血之任桂心乾薑半夏各司通經散結溫中滌穢下氣運痰之任滑石石韋黃柏各司濕熱留著癥

閉不通陰傷蝕瘡之任烏賊殭蠶各司散血行經祛風化痰之任與小牛角鯢散相為犄角服藥三月有子

得非宿有徵驗歟

治女子帶下諸病方

大黃

蒸三斗米下

附子

茯苓

牡蒙

牡丹

桔梗

葶藶

各三兩

厚朴

芎藭

人參

當歸

蠹蟲

蜀椒

吳茱萸

柴胡

乾薑

桂心

各半兩

細辛

二兩半

右十八味

為末

蜜和丸

如梧子大

每日空心酒服二丸不知加之以腹中温温為度

一本有麻子澤蘭無蜀椒葶藶

治帶下百病無子服藥十四日下血二十日下長蟲及青黃汁出二十日病除五十日肥白方

大黃

破如豆粒熬令

黑柴胡

朴硝

各一斤

芎藭

五兩

乾薑

蜀椒

各一斤

茯苓

如雞子大一枚

右七味

為末

蜜和丸

如梧子大

先食米飲

服七丸

不知加至十丸以知為度

〔衍義〕風從上受則為喘為嗽風從下入則為帶為崩是以千金治經候崩帶之疾必用杜風滌垢之味參

入辛温散結劑中世都莫解其故此方與六卷月水不通例中當歸丸相類牡蒙丸當歸丸中但多水蛭黃

芩甘草而無人參茯苓桔梗夫黃芩甘草與茯苓桔梗無所關係也惟水蛭人參攻補懸殊牡蒙丸中但多

麝蟲前胡黃芩硝石而無蠹蟲柴胡蠹蟲柴胡與麝蟲前胡功用彷彿也惟硝石之悍與當歸丸中水蛭角

立也一專滌垢一專破血且挾大黃附子之威無堅不克所以略更一二便易方名其治帶下百病無子方

卽於女子帶下諸病方中裁去其半服藥十四日下血二十日下長蟲及青黃汁出得非味減力專之驗歟

治帶下方 枸杞根 一升 生地黃 五升 右二味咬咀以酒一斗煮取五升分三服

治帶下方 枸杞根 一升 生地黃 五升

右二味咬咀以酒一斗煮取五升分三服

〔衍義〕肥人帶下多屬痰濕瘦人帶下多屬陰虛此方專用生地黃以清血熱則兼枸杞根以清蒸熱為瘦人陰虛帶下腥稀色黃者之的方與胃中濕熱下流色白粘厚者略無干涉然須酒煮方有和營逐血之功治婦人及女子赤白帶下方 禹餘糧 當歸 芎藭各一兩半 赤白脂 白石脂 阿膠 龍骨 石韋一兩六銖 烏賊骨 黃柏 白朮 黃芩一用黃連 續斷 桑耳 牡蠣各一兩 右十五味為末蜜和丸如梧子大空心飲下十五丸日再加至三十丸為度

〔衍義〕帶下而至赤白交併明係患久虛脫故用鎮固而兼摻逐以治其本滋血而兼清熱以治其標標本兼得之妙用惟千金得之

白馬蹄圓 治女人下焦寒冷或帶下赤白浣方 白馬蹄 鱉甲 附子 龜甲 蜀椒各一兩 鯉魚甲 甘

草 杜仲 磁石 當歸 續斷 葶藶 禹餘糧 桑耳 芎藭各一兩 右十五味為末蜜丸如梧子大

以酒服十丸加至三十丸日三服一本無龜甲

〔衍義〕赤白帶下積久不愈必有瘀結留著於內非辛溫無以療之然血氣久傷草根木實不足以固其脫故取異類有情之物方得同氣相感之力白馬蹄龜鱉鯉魚甲皆厥陰任衝之嚮導以其裏填塞罅漏之功禹餘糧磁石專行固脫蜀椒川附專行溫散葶藶桑耳一取入肝摻風一主漏下赤白有散斂相需之妙蓋白馬蹄專主白崩赤馬蹄專主赤崩本經取治驚邪瘧癘乳難別錄取治助血內崩總取清理血室之用桑

耳涼潤善祛子藏風熱不但主漏下并可以治寒熱積聚積聚去則不難成孕矣其用芎歸續斷杜仲甘草不過調和血氣之輔助耳

白馬駝散

治帶下方

下白者取白馬駝下赤者取赤馬駝隨色取之

白馬駝

二兩龜甲四兩鱉甲

十八

牡蠣一兩十銖

右四味治

下篩空心酒下方寸七日三服加至一七半

〔衍義〕此方與前白馬蹄丸功用相仿而白馬駝與白馬蹄功用亦相仿龜鱉二甲相為輔佐亦相仿惟牡蠣鹹入腎有冥堅止漏之能可抵禹餘糧磁石之功其主赤白帶下亦本經之旨駝卽是鬻隨赤白色燒灰用之

治五色帶下方

服大豆紫湯日三服

方見前三卷風篇中

○又方

燒馬左蹄爲末酒服方寸七日三○又方

燒狗

頭和毛皮骨爲末以酒服方寸七○又方

煮甌帶汁服一杯良○又方

燒馬蹄底護乾爲末酒服方寸

七日三

〔衍義〕狗屬腎溫補火土二臟取頭骨燒灰酒服則有止血之功丹溪常效用之

雲母芎藭散

衛公治五崩身瘦欬逆煩滿少氣心下痛面生瘡腰痛不可俯仰陰中腫如有瘡狀毛中癢時

痛與子藏相通小便不利常拘急頭眩頸項急痛手足熱氣逆衝急心煩不得臥腹中急痛食不下吞酸噉苦上下腸鳴漏下赤白青黃黑汁大臭如膠汚衣狀皆是內傷所致中寒卽下白熱卽下赤多飲卽下黑多

食卽下黃多藥卽下青或喜或怒心中常恐或憂勞便發動大惡風寒方 雲母 芎藭 代赭 東門邊

木燒各一兩白殭蠶 烏賊骨 白堊 蝟皮各六銖 鱉甲一作龜甲 桂心 伏龍肝 生鯉魚頭各十銖 右十二味治

下篩酒服方寸七日三夜一 一方有龍骨乾葛

〔衍義〕詳方下諸證總是營血受傷火氣遊行隨虛而陷之患五崩身瘦以下見證種種一皆內傷所致中寒則下白以下見證又為飲食藥餌所傷更加喜怒憂勞七情擾動則大惡風寒此元神不能固護於外恐人誤認客邪所以特為招揭而立方首推雲母以鎮攝虛陽代赭以斂固精血白堊以統領諸氣伏龍肝以溫理脾胃胃為身之津梁津梁充實氣血有所統攝矣其蝟皮烏賊鱉甲殭蠶生鯉魚頭血肉諸味咸為推陳致新之用獨桂心一味合芎藭為從治虛熱之嚮導東門邊木取異方之氣燒灰以散瘀結也

慎火草散 治崩中漏下赤白青黑腐臭不可近令人面黑無顏色皮骨相連月經失度往來無常小腹弦急

或苦絞痛上至心兩脇腫脹食不生肌膚令人偏枯氣息乏少腰背痛連脇不能久立嗜臥困懶方又方見後

慎火草 白石脂 禹餘糧 鱉甲 乾薑 細辛 當歸 芎藭 石斛 芍藥 牡蠣各二兩 黃連 薑

薇根皮 乾地黃各四兩 熟艾 桂心各一兩 石十六味治下篩空腹酒服方寸七日三稍加至二七若寒多

者加附子蜀椒熟多者加知母黃芩各一兩白多者加乾薑白脂赤多者加桂心代赭各二兩

〔衍義〕婦人之患隱疾十常四五其受病之源有因風下襲因濕內著因冷積瘀因怒動血因勞傷經種種

不同而所見之證有實有虛中實滯有熱因寒阻有寒熱交錯則又隨所稟之偏與喜怒失宜所致也此方以慎火草為主慎火卽是景天力能辟火故又名慎火本經大熱火瘡身熱煩邪惡氣而用以治崩中帶下取其能祛肝家濕熱也佐以石斛黃連專爲清火而設石脂餘糧專爲固脫而設薑根辛艾專爲溫經而設芎歸芍地專爲和營而設鱉甲牡蠣專爲軟堅而設薔薇根皮專爲陰蝕不瘳而設亦本經之主治也本門後復有慎火散一方以慎火草熬黃殺其苦寒之性資以鹿茸龍骨阿膠當歸溫補固本藉慎火之清熱治標此中奧義惟千金得之

禹餘糧圓 治崩中赤白不絕困篤方 禹餘糧五兩白馬蹄十兩龍骨三兩鹿茸二兩烏賊骨一兩 右五味爲末蜜丸梧子大酒服二十丸日再以知爲度

〔衍義〕千金治崩漏多用血肉之味此用馬蹄鹿茸龍骨烏賊皆止中寓散之意禹餘糧則專於固脫惟久崩困篤者宜之若瘀血固結少腹堅滿者則又未可輕試也

增損禹餘糧圓 治女人勞損因成崩中狀如月經來去多不可禁止積日不斷五臟空虛失色黃瘦崩竭暫

止少日復發不耐動搖小勞輒劇治法且宜與湯未宜與此丸也發時服湯減退卽與此丸若是疾久可以

長與此方 禹餘糧 龍骨 人參 桂心 紫石英 烏頭 寄生 杜仲 五味子 蓮志各二兩 澤瀉

當歸 石斛 茯苓 乾薑各三兩 蜀椒 牡蠣 甘草各一兩 右十八味爲末蜜丸梧子大空心酒下十九丸

漸加至二十九日三服

〔衍義〕勞損成崩而用溫補固脫宜矣若小勞復發之時恐有瘀結未去又須先與湯液蕩平血氣然後用禹糧石英龍骨牡蠣以振固脫之功椒薑烏桂以建溫經之勳寄伸歸蓯以資和營之用志味斛澤以行通調之力人參甘草以運諸藥之性洵為久疾長服之神丹也

治女人白崩及痔病方 槐耳 白蠟 艾葉 蒲黃 白芷各二兩 黃芪 人參 續斷 當歸 禹餘糧

橘皮 茯苓 乾地黃 蝟皮各三兩 猪後懸蹄二十個 白馬蹄酒浸一宿熬 牛角各四兩 右十七味為末蜜丸空

心酒下二十九日二加之

〔衍義〕此方雖列崩門而所重全在痔病故用槐耳專清大腸血熱若主崩漏則用桑耳專清子臟風熱矣至用芷蘇蒲艾芪續歸地苓橘禹糧之屬乃相兼二者之治惟牛髓馬蹄為崩門專藥蝟皮猪蹄又專主痔病而蝟蹄最甚即有人參一味敵以上四味之性尚恐不及安望其有補益之力哉

治婦人忽暴崩中去血不斷或如鵝鴨肝者方 小薊根 六兩 當歸 阿膠 續斷 青竹茹 芎藭各三兩

地黃 八兩 釜月下土絹囊裏 地榆各四兩 馬通一升赤帶用赤馬白帶用白馬 右十味咬咀以水八升和馬通汁煮取三升分

三服不止頓服三四劑未全止

續服後丸方 續斷 甘草 地榆 鹿茸 小薊根 丹參各三兩 乾地黃二兩 芎藭 赤石脂 阿膠 當

歸各一兩半 龜甲 秦牛角各三兩 對熬令黑 柏子仁一兩 集驗作柏葉

再後稍加至三十丸

右十四味為求蜜丸如梧子大空心酒服十九日

〔衍義〕崩中起於忽暴明是不慎受傷而至去血不止如鵝鴨肝急需蕩滌為先非患久涉虛宜用溫補之

比故取小薊竹茹破血為主而兼芎歸地續阿膠地榆和血之劑以佐薊根竹茹之力惟釜月下土以溫土

和營馬通以逐血解毒 服三四劑稍可而未全止恐元神委頓則於前方除馬通傷胃之味而進鹿茸牛

鱉龜甲固營之品更以石脂代釜月下土柏子仁以代竹茹又大減薊根佐以丹參甘草此先後應敵者也

治女人崩中去赤白方 白馬蹄五兩 蒲黃 鹿茸 禹餘糧 白馬鬃毛 小薊根 白芷 續斷各四兩

參 乾地黃 柏子仁 烏賊骨 黃芪 茯苓 當歸各三兩 艾葉 菴蓉 伏龍肝各三兩 右十八味為

求蜜丸梧子大空心飲服二十九日再加至四十九丸

〔衍義〕此方溫中散瘀兼得其奧允為調適久崩之合劑

當歸湯 治崩中去血虛羸方 當歸 芎藭 黃芩 芍藥 甘草各二兩 生竹茹二升 右六味以水

一斗煮竹茹取六升去滓內諸藥煎取三升半分三服忌勞動噀怒禁房事百日

〔衍義〕方下雖主崩中去血虛羸必竟血虛火旺火能消物所以羸瘦方用當歸芍藥專行和血甘芩竹茹

專清胃熱然惟始病用之為宜若久困虛羸當非此方可治也

治崩中晝夜十數行衆醫所不能癒者方 芎藭八兩咬咀以酒五升煮取三升分三服不飲酒者水煮亦得

〔衍義〕崩中而至晝夜十數行衆醫不能癒必是瘀結占據血室而致血不歸經非辛散不能破結故專取

芎藭一味大劑酒煮以行其滯庶子臟安和然後能癒雖暴崩治法而耗氣最猛稍涉虛者慎勿輕投

治崩中下血出血一斛服之即斷或月經來過多及過期不來者服之亦佳方 吳茱萸 當歸各三兩 芎藭

人參 芍藥 牡丹 桂心 阿膠 生薑 甘草各二兩 半夏 八兩 麥門冬 一升 右十二味咬咀以水一

斗煮取三升分三服

〔衍義〕此即金匱溫經湯原方妙用全在黃桂之散結薑半之滌垢尤妙在麥冬滋燥也

治暴崩中去血不止方 牡蠣 兔骨各二兩半炙 右二味治下篩酒服方寸匕日三

〔衍義〕兔爲至陰之精骨乃腎氣之合能治產難下胎及產後餘血不下配以牡蠣之專入少陰而本經上

治女子赤白帶下非取其軟堅散結之力歟

治女人白崩方 芎藭 桂心 阿膠 赤石脂 小薊根各二兩 乾地黄 四兩 伏龍肝如雞子大一枚 右七味咬咀

以酒六升水四升合煮取三升去滓內膠令烊盡分三服日三千金翼止六味無伏龍肝

〔衍義〕即治婦人忽暴崩中去血不斷如鵝鴨肝後方之的派變丸爲湯水酒和煎取其立功之速也

伏龍肝湯 治崩中去赤白或如豆汁方 伏龍肝如彈子大七枚 生薑 五兩 生地黃四升一方五兩 甘草 艾葉 赤石脂

桂心各二兩 右七味咬咀以水一斗煮取三升分四服日三夜一

〔衍義〕此以伏龍肝赤石脂固脫而兼桂艾溫經地黃滋血甘草生薑開提胃氣以和寒熱之性也

大牛角中人散 治積冷崩中去血不出腰背痛四肢沉重虛極方 牛角仁一枝 續斷 乾地黃 桑耳

白朮 赤石脂 礬石 乾薑 附子 龍骨 當歸各三兩 人參 一兩 蒲黃 防風 禹餘糧各二兩 右十

五味治下篩以溫酒未食服方寸七日三不知稍加

〔衍義〕卽前小牛角膠散之變法方中地黃乃阿膠之變桑耳乃赤小豆之變蒲黃乃烏賊骨之變人參乃鹿茸之變附子曰朮專用溫經石脂礬石專行固脫防風一味專祛子臟中風且治腰背痛四肢沉重兼行地黃之滯以其積冷虛極非峻用溫補兜澀必難取效耳

治崩中去血積時不止起死方 肥羊肉三斤 乾薑 當歸各三兩 生地黃二升 右四味咬咀以水二斗煮羊

肉取一斗三升下地黃汁及諸藥煮取三升分四服卽斷尤宜羸瘦人服之

〔衍義〕卽金匱當歸生薑羊肉湯因加入生地黃以滋血故改用乾薑以行其滯

生地黃湯 治崩中漏下月去數升方 生地黃一斤 細辛三兩 右二味咬咀以水一斗煮取六升服七合

久服佳

〔衍義〕此治風入胞門蘊化爲火而崩漏無度故專用地黃以滋血室之熱細辛以散厥陰之風風散則火

熄而血自安矣以有細辛之辛散故無藉於酒煮也

治崩中漏下赤白不止氣虛竭方

龜甲各三兩 牡蠣各三兩

二味治下篩酒服方寸七日三〇又方

燒亂髮灰

酒和服方寸七日三〇又方

桑耳二兩 鹿茸十八銖

二味以醋五升漬炙燒漬盡為度治下篩服方寸七日三〇又方

日三〇又方 燒鹿角為末酒服方寸七日三〇又方

燒桃核為末酒服方寸七日三〇又方 地榆

知母各指大長一尺

二味咬咀以醋三升東向竈中治極濃去滓服之〇又方 桑木中蟬屎燒灰酒服方寸七日三〇又方

〔衍義〕崩中而用龜甲牡蠣血熱妄行之治也

亂髮燒灰酒服破宿生新之治也 桑耳鹿茸醋漬本虛

標熱之治也 鹿角燒灰酒服止中寓散之治也

桃核燒灰酒服散中寓止之治也 地榆知母醋煮瀉

火截崩之治也 桑木中蟬屎按風滌垢之治也 以上丹方或用酒服以行其滯或用醋煮以截其崩

總取味少力專貧家易辦之治若患久虛脫非大劑溫補良難克應也

治崩中下血羸瘦少氣調中補虛止血方

澤蘭 蜀椒二兩六銖 薑本 柏子仁

山茱萸 厚朴各十銖 乾地黄

牡蠣各一兩半 代赭 桂心 防風 細辛 乾薑各一兩

甘草 當歸 芎藭各一兩十八銖 蕪荑半兩 右十七味治

下篩空心溫酒服方寸七日三神良 一方加白芷龍骨各十八銖人參一兩十八銖為二十味

〔衍義〕此方雖言調中補虛止血而疎泄之藥反多于溫養之味方中防風細辛薑本澤蘭柏仁搜風藥也

厚朴蕪荑滌垢藥也蜀椒桂心溫散藥也乾薑代赭牡蠣止截藥也惟芎藭地黃山茱萸甘草為滋養之品其

羸瘦少氣起於崩中故先行搜風滌垢以潔淨血腑然後血得歸經而中自調虛自補血自止矣如虛脫過劇又當加方後等味尤為得力

治崩中方 白茅根三斤 小薊根五斤 右二味咬咀以水五斗煎取四斗稍稍服之

外臺用酒煎

〔衍義〕崩中而用茅薊二根專行清熱散血血散而崩自止外臺用酒煎尤宜

丹參酒 治崩中去血及產後餘疾方 丹參 艾葉 地榆 忍冬 地黃各五斤 右五味劉先洗白熟春

以水漬三宿出滓煮取汁以黍米一斗炊飯釀酒酒熟榨之初服四合後稍稍添之

〔衍義〕崩中去血產後餘疾總宜調和血氣丹參艾葉地黃地榆皆活血之品獨忍冬一味人但知其解毒祛膿不知其能利風虛有瀉中寓補之妙用用以釀酒頗盡營行經脈之旨

牡丹皮湯 治崩中血盛併服三劑卽瘥方 牡丹皮 乾地黃 斛服各三兩 禹餘糧 艾葉 龍骨 柏葉

厚朴 白芷 伏龍肝 青竹茹 芎藭 地榆各二兩 阿膠一兩 芍藥四兩 右五味咬咀以水一斗

五升煮取五升分五服相去如人行十里久再服

〔衍義〕崩中去血過甚非斂散交參溫涼兼濟無以克建其功斂用龍骨禹餘糧地榆散用牡丹白芷厚朴

斛服溫用膠艾芎藭伏龍涼用地芍竹茹柏葉斂散溫涼之義備矣

治崩中單方 燒牛角觔末以酒服方寸七日三服亦治帶下○又方 桑耳燒令黑為末酒服方寸七日二

服亦治帶下○又方 生薊根一斤半擗取汁溫服亦可酒煮服之○又方 羊脛一具以酢煮去血服之
卽止忌豬魚酢滑物犯之便死

〔衍義〕牛角醜爲中虛受傷久崩不癒之專藥以牛屬坤土醜乃角中之骨專補腎肝之血脾肝腎三經藥也 桑耳薺子藏中風熱木經黑者主女子漏下赤者治血癥瘕積聚如無桑耳他樹上木耳亦能治崩中漏下又爲痔瘡專藥以其得濕熱之氣從朽株浮長取同氣相感之力然必燒黑用之 小薊專力破血上吐用花下崩用根本乎天者親上本乎地者親下也 羊性溫補而脰專滌垢去血酢煮取其酸欬然最畏酢得酢則耗血不但不可與豬魚酢食生椒亦須忌之

治白崩方 灸小腹橫文當臍孔直下百壯又灸內踝上三寸左右各百壯

論曰治漏血不止或新傷胎及產後餘血不消作堅使胞門不閉淋瀝去血經踰日月不止者未可以諸斷血湯宜且與牡丹丸散等待血堅消便停也堅血消者所去淋瀝便自止亦漸變消少也此後有餘傷毀不復處此乃可作諸主治耳婦人產乳去血多傷胎去血多崩中去血多金瘡去血多拔牙齒去血多未止心中懸虛心悶眩冒頭重目暗耳聾滿舉頭便悶欲倒宜且煮當歸芍藥各三兩以水四升煮取二升去滓分二服卽定展轉續次合諸湯治之

白堊丸 治女人三十六疾胞中病漏下不絕方又方 見前 邯鄲白堊 禹餘糧 白芷 白石脂 乾薑 龍

骨 桂心 瞿麥 大黃 石草 白薇 細辛 芍藥 甘草 黃連 附子 當歸 茯苓 鍾乳 蜀椒

黃芩各半兩 牡蠣各十 烏賊骨各十 右二十三味為交蜜丸梧子大空心酒服五丸日再服不知加至十丸

〔衍義〕 衍義見本卷第一方白聖丸下

治女人漏下或瘥或劇常漏不止身體羸瘦飲食少或赤或白或黃使人無子者方 牡蠣 伏龍肝 赤石

脂 白龍骨 桂心 烏賊骨 禹餘糧各等分 右七味治下篩空心酒服方寸七日二白多者加牡蠣龍

骨烏賊骨赤多者加赤石脂禹餘糧黃多者加伏龍肝桂心隨病加之張文仲同亦療崩中肘後無白龍骨以粥飲服

〔衍義〕 方中渾是固脫惟桂心烏賊散血潤枯亦是固中寓散之法又須隨所見之色而加增劑料不必更

易藥味也

鹿茸散 治婦人漏下不止方 鹿茸 阿膠各三兩 烏賊骨 當歸各二兩 蒲黃一兩 右五味治下篩空心酒

服方寸七日三夜再服

〔衍義〕 本虛標熱而見漏下不止故用鹿茸歸膠溫補衝督其力最專但漏下不止必有乾血內蓄又須烏

賊蒲黃予以出路也 其後蒲黃散方下主治藥品與鹿茸散不異必竟瘀積較前稍甚虛寒較前稍輕故

但取前方鹿茸當歸蒲黃三味以血不甚虛故無藉阿膠而鹿茸減料以無烏賊所以加用蒲黃遂以名方

意在散血也

治女人產後漏下及病痔下血方 礬石一兩附子一枚 右二味爲末蜜丸梧子大空心酒下二丸日三稍加至五丸數日瘥能百日服之永斷

〔衍義〕漏下而用溫經固脫宜矣痔病下血亦用之者必患久虛脫方爲合劑若腫赤瘡墜不可誤用慎之

芎藭湯

治帶下漏血不止方

芎藭

乾地黄

黃芪

芍藥

吳茱萸

甘草

各二兩

當歸

乾薑

各三兩

右八味咬咀以水一斗煮取三升分三服若月經後因有赤白不止者除地黄吳茱萸加杜仲人參各二兩

〔衍義〕芎藭地芍雖專調血不得甘芪不能助衛和營尤妙在芎藭之辛溫使血無阻積得以歸經而經後赤白不止非但不可用茱萸之溼燥卽地黄之膩滯亦宜斟酌故退二味而進杜仲以益精人參以益氣精氣充而血液固矣

治漏下去血不止方 取水蛭治下篩酒服一錢許日二惡血消卽能愈

〔衍義〕水蛭於破血劑中首推峻厲稍涉虛者不可輕投減等而用蝨廬再減而用漆灰桃仁未嘗不師金匱千金法也

治漏下神方 取槐子燒末酒服方寸匕日三立瘥

〔衍義〕槐爲虛宿之精子能益腎明目用以燒末酒服以清血中之火其效最捷卽痔漏下血亦不出此但

稟氣虛寒食少便溏者禁用以其純陰乏生長之氣也

治漏下去黑方

乾漆

麻黃

舊本作麻黃

細辛

各一兩

甘草

半兩

右五味治下篩以指撮著米飲中服之

〔衍義〕漏下去黑明係宿血內滯故用麻黃甘草佐漆灰桂心細辛以破宿血也麻黃卽麻實詩爲有黃其

實是也舊本刊作麻黃亥豕之形似耳詳麻黃條下本經雖有破癥堅積聚一語而血滯於裏安有反行激

發之理麻實條下本經止言補中益氣以其辛溫潤下故脾約證用之此方亦專取其潤以佐漆灰輩順下

之力潤燥相需之妙全賴麻薺一味復何疑乎

治漏下去赤方

白朮

二兩

白薇

半兩

黃柏

二兩

右三味治下篩空心酒服方寸匕日三

〔衍義〕漏下去赤明係熱淫於內故用黃柏之苦寒白薇之苦鹹以下泄之白朮之甘溫以內固之黃柏治

五臟腸胃結熱爲女子漏下赤白之要藥白薇治產中虛煩嘔逆爲傷中淋露之要藥白朮治痰濕帶下爲

散腰臍間血之要藥合三者以治濕熱漏下去赤何慮不直達肯綮耶

治漏下去黃方

黃連

大黃

桂心

各半兩

黃芩

麝蟲

乾地黄

各六銖

右六味治下篩空心酒服方寸匕

日三

〔衍義〕漏下去黃明係脾胃受熱故用三黃而參地黃以滋血麝蟲以破血桂心以鼓三黃之性而行地黃

之滯也

治漏下去膏方 大黃 黃芩 白薇各半兩 桂心 牡蠣各六銖 右五味治下齠空心酒服方寸匕三

〔衍義〕漏下去膏明係湯藥過傷肝脾受困而致血不歸經故用大黃黃芩以蕩滌濕熱牡蠣白薇以固傷

中淋露桂心鼓舞二黃以破積結之痰也

治漏下去白方 鹿茸一兩 白薇十八銖 狗脊半兩 右三味治下齠空心米飲服方寸匕三

〔衍義〕漏下去白明係下焦虛冷故用鹿茸以溫補督脈狗脊以強筋骨白薇以治陰中腫痛并解風氣百

疾之蘊蓄為患督脈充筋骨強則氣血有所統禦而無崩漏之虞矣

治女子漏下積年不斷困篤方 取鷓重巢柴燒灰作末服方寸匕日三服三十日愈甚良 重巢者去年在

巢中產今年又在上作重巢產者是也

〔衍義〕古人用方多有取義獲効者如此證之困篤不勝湯藥而用鷓重巢灰端取高風不墜而能護卵生

雖之意其後消渴門中及肘後治睡中遺尿咸取用之

馬通湯 治漏下血積月不止方 赤馬通汁一升 生艾葉 阿膠各三兩 當歸 乾薑各二兩 好墨半兩 右六

味咬咀以水八升酒二升煮取三升去滓內馬通汁及膠微火煎取二升分再服相去如人行十里久

〔衍義〕漏下積月不止非溫熱毒蘊即瘀垢生蟲故用馬通專行滌垢而兼膠艾歸薑和營之品可謂當矣

更取炤燼之餘結成火土而現坎水之象以制離火之炎深得同氣相求之妙然非薑艾相需不無止截之

虞每見世醫治吐衄崩漏令人以墨入生地黃汁中服之應手即止向後瘀積日深盈科而行屢發屢截劫之不應倉扁不能復圖矣然千金治吐血方未嘗不用生地黃也然必兼辛散之劑即用一味搗汁又須瀆之以酒當無阻滯之患矣孰謂先聖之法不能體會其全漫採一二以圖目前僥倖而遺向後之感乎

馬蹄屑湯 治白漏不絕方 白馬蹄 赤石脂各五兩 禹餘糧 烏賊骨 龍骨 牡蠣各四兩 附子 乾地黃

當歸各三兩 甘草二兩 白殭蠶一兩 右十一味咬咀以水二斗煮取九升分六服日三即愈

馬蹄圓 治白漏不絕方 白馬蹄 禹餘糧各四兩 龍骨三兩 烏賊骨 白殭蠶 赤石脂各二兩 右六味為

末蜜丸梧子大酒服十丸不知加至三十丸

〔衍義〕夫一病而治分先後不同者隨其勢之緩急也此以馬蹄龍骨餘糧石脂專行固脫烏賊專治血枯殭蠶專祛風疾全得治本之奧而歸地寧和營血又恐烏賊之攻血不逮則以附子鼓之龍骨之兜瀼不逮乃以牡蠣佐之方中斂散交錯寒熱互用因以甘草和之以其勢緊不得不以湯液為之前導服後崩勢稍寧則當用丸緩圖仍不出乎此方但當就簡刪繁方為合法

慎火草散 治漏下方又方見前 慎火草十兩 煎黃 當歸 鹿茸 阿膠各四兩 龍骨半兩 右五味治下齏先食酒服

方寸匕日三

蒲黃散 治漏下不止方 蒲黃半升 鹿茸 當歸各二兩 右三味治下齏酒服五分匕日三不知稍加至

方寸匕

〔衍義〕並見前

灸法

女人胞漏下血不可禁止灸關元兩傍相去三寸 女人陰中痛引心下及小腹絞痛腹中五寒灸關儀百壯
 穴在膝外邊上一寸宛宛中是 女人漏下赤白及血灸足太陰五十壯穴在內踝上三寸足太陰經內踝上
 三寸名三陰交 女人漏下赤白月經不調灸交儀三十壯穴在內踝上五寸 女人漏下赤白灸營池四穴
 三十壯穴在內踝前後兩邊池中脈上一名陰陽是 女人漏下赤白四肢酸削灸漏陰三十壯穴在內踝下
 五分微動腳脈上 女人漏下赤白泄灸陰陽隨年壯三報穴在足拇趾下屈裏表頭白肉際是

月經不調第二十一方二十三首 灸法一首

白堊丸 治婦人月經一月再來或隔月不來或多或少淋瀝不斷或來而腰腹痛嘔吸不能食心腹痛或青
 黃黑色或如水舉體沉重方 白堊 白石脂 牡蠣 禹餘糧 龍骨 細辛 烏賊骨各一兩半 當歸
 芍藥 黃連 黃芩 乾薑 桂心 人參 瞿麥 石韋 白芷 白蘞 附子 甘草各一兩 蜀椒半兩
 右二十一味為末蜜丸梧子大空心酒下二十九日三至月候來時日四五服為佳

〔衍義〕見本卷赤白帶下門白堊丸下

千金要方 卷四 二二三
桃仁湯 治產後及墮身月來不調或淋瀝不斷斷後復來狀如瀉水四體噓吸不能食腹中堅痛不可行動

月水或前或後或經月不來舉體沉重惟欲眠臥多思酸物方 桃仁五十枚 澤蘭 甘草 芎藭 人參各二

兩牛膝 桂心 牡丹皮 當歸各三兩 芍藥 生薑 半夏各四兩 地黃八兩 蒲黃七合 右十四味咀以

水二斗煮取六升半分六服

〔衍義〕月經不調雖衝脈受病衝脈緊附厥陰肝經而能統制厥陰者又在中土土旺則木榮土衰則木敗

理固然也方下所言狀如瀉水非土衰不能制水之驗乎多思酸物非肝虛求助於味之驗乎腹中堅痛非

胞宮乾血內滯之驗乎此門諸方除白朮丸惟此方專調土衰木敗方中芎藭芍地專調衝脈之虛參甘薑

半專扶胃氣之衰桃丹蒲澤專疎胞宮之滯桂心牛膝一破堅結一潤血枯枯血潤而下行無阻堅結散而

正氣自調當無前後失期之患矣此後杏仁湯以下十餘方總皆攻血之劑也

杏仁湯 治月經不調或一月再來或兩月三月一來或月前或月後閉塞不通方 杏仁二兩 桃仁一兩大

黃三兩 水蛭 蝨蟲各三枚 右五味咀咀以水六升煮取二升分三服一服當有物隨大小便有所下下多

者止之少者勿止盡三服

〔衍義〕此方專主乾血內滯過期不通故以抵當湯加入杏仁散氣之味以駕馭破血諸藥不言抵當者專

歸功於杏仁也

大黃朴硝湯 治經年月水不利胞中有風冷所致宜下之方 大黃 牛膝各五兩 朴硝 牡丹 甘草 紫苑

各三兩一作紫苑 代赭 一兩 桃仁 蠱蟲 水蛭 乾薑 細辛 炤硝各二兩舊本作芒硝 麻仁 五合 右十四味咀以

水一斗五升煮取五升去滓內硝令烱分五服五更爲首相去一炊頃自下後將息息見風

〔衍義〕方以抵當參入二硝薑辛以破胞中風冷尤妙在代赭一味能治鬼疰賊風蠱毒腹中毒邪女子赤沃漏下皆本經之義但舊本炤硝刊作芒硝芒硝與朴硝本是一物何必兩用况胞中風冷非炤不能散之其餘牛膝牡丹紫苑麻仁甘草皆潤下之佐使耳

茱萸蠱蟲湯 治久寒月經不利或多或少方 吳茱萸 三升 蠱蟲 水蛭 蠶蟲 牡丹各一兩 生薑 一斤 小

麥 半夏各一升 大棗三十枚 桃仁五十枚 人參 牛膝各三兩 桂心 六兩 甘草 一兩 芍藥 二兩 右十五味咀以

酒一斗水二斗煮取一斗去滓適寒溫一服一升日三不飲酒者以水代之湯欲成乃內諸蟲不耐藥者飲

七合

〔衍義〕前湯專攻胞中風冷積血故須薑辛炤硝此方專治久寒月經不利又須吳萸桂心其他生薑以代乾薑蠶蟲以佐蠱蟲芍藥以助牡丹半夏以勸萸桂彼以勢劇非攻不克故用硝黃此以本虛雖攻不應故用人參專扶藥力小麥益肝大棗和脾則又人參輔弼耳

抵當湯 治月經不利腹中滿時自減并男子膀胱滿急方 虎掌千金翼作虎杖 大黃各二兩 桃仁三十枚 水蛭二十枚

右四味以水三升煮取一升盡服之當下惡血爲度

〔衍義〕抵當者金匱方中除去蝨蟲而進虎掌也是必風痰襲入於瘀交相助虐爲患故去彼取此然曷不去蝨存蟲尤爲穩當虎掌逐風虎杖破血當從翼方爲是

七熬圓 治月經不利手足煩熱腹滿默默不欲寤心煩方

大黃一兩半 前胡一作柴胡 芒硝熬各五兩 葶藶 蜀椒并熬

各六 生薑

芎藭

茯苓各十銖

杏仁九銖

桃仁二十枚熬 蝨蟲熬水 蛭半合

右十二味爲末蜜丸梧子大空腹

飲服七丸日三不知加一倍一方有蝨蟲牡丹各二兩千金翼無芎藭

〔衍義〕七熬之制兼取抵當陷胸之法抵當方中蝨蛭未有不熬而用者大陷胸丸杏仁葶藶皆熬黑用則

專滌垢膩杏仁葶藶可熬則桃仁蜀椒芒硝無不可熬熬則下氣愈疾大黃芎藭前胡生薑皆下氣之用耳

桃仁散

治月經來繞臍痛上衝心胸往來寒熱類瘧瘧狀方

桃仁五十枚 廙蟲二十枚 桂心五寸 茯苓一兩 薏

苡仁 牛膝 代赭各二兩 大黃八兩 右八味治下篩隔宿勿食温酒服一錢七日三

〔衍義〕經來繞臍衝痛明係乾血上逆往來寒熱如瘧乃是血室受病血屬少陽也方本金匱下瘀血湯加

桂心以破乾血代赭以鎮逆氣牛膝茯苓薏苡以資諸藥潤下之力也

治月經往來腹腫腰痛方

廙蟲四枚 蜀椒 乾薑各六銖 大黃 女青 桂心 芎藭各半兩 右七味治下

篩取一刀圭先食酒服之日三十日微下善養之

〔衍義〕於下瘀血湯中除去桃仁而加椒薑芎桂辛散破結之品兼女青之散血解毒則桃仁可無藉矣

牡丹大黃湯 治月經不調或月前月後或如豆汁腰痛如折兩脚疼胞中風寒下之方 大黃 朴硝各四

兩牡丹三兩桃仁一升人參 陽起石 茯苓 甘草 水蛭 蠱蟲各二兩 右十味以水九升煮取

三升去滓內朴硝令烊盡分三服相去如一飯頃

〔衍義〕專取抵當下血為主加朴硝佐大黃則有推陳致新之功人參得陽起則有扶陽破陰之勳陽起得

牡丹則破血之力倍勝茯苓甘草則又人參之助牡丹則桃仁之助也

陽起石湯 治月水不調或前或後或多或少或赤或白方 陽起石 甘草 續斷 乾薑 人參 桂心

各二兩 附子一兩 赤石脂三兩 伏龍肝五兩 生地黃一升 十味以水一斗煮取三升二合分四服日三夜一

〔衍義〕於四逆湯中加陽起人參則有陽生陰長之功散子藏中之血積伏龍石脂專行固脫地黃續斷專

續傷中桂心佐薑附則破寒結兼行地黃之滯也

治婦人憂恚心下支滿膈中伏熱月經不利血氣上搶心欲嘔不可多食懈怠不能動方 大黃 芍藥 蠱

蟲各二兩 土瓜根 蜀椒 黃芩 白朮 地骨皮一作炭皮 乾薑 芎藭各一兩 桂心 乾漆各一兩 右十二味為

末蜜丸梧子大每服十九丸日三不知加之千金翼有炭皮名炭皮丸

〔衍義〕於椒薑朮桂辛烈劑中而兼大黃黃芩芍藥骨皮以泄旺氣乾漆蠱蟲芎藭土瓜根以破宿血標本

兼得之治也

牛膝圓 治產後月水往來乍多乍少仍復不通時疼痛小腹裏急下引腰身重方 牛膝 芍藥 人參

大黃各三兩 牡丹皮 甘草 當歸 芎藭各二兩 桂心 一兩 麝蟲 蟬蛸 蜚蠊各四枚 蝨蟲 水蛭各七枚 右

十四味為末蜜丸梧子大酒服五丸日三不知稍增

〔衍義〕此方於大黃蠶蟲丸中採取蝨蛭蠶糟大黃芍藥甘草七味加入蜚蠊牛膝丹桂芎藭人參七味較

大黃蠶蟲丸中乾漆地黃黃芩桃杏仁之力倍峻總由百勞薯蕷方中參入芎藭人參鼓舞諸蟲破血之力

端不出金匱之繩墨也

又方 鹿角衣服之良

〔衍義〕鹿角專行督脈為腎藏之外垣外垣堅緝可無五液注下之虞矣

又方 生地黃汁三升煮取二升服之○又方 飲人乳汁三合善○又方 燒月經衣并花水服之

〔衍義〕卽以其人之道還治其人之身此方得之

又方 燒白狗屎焦為末酒服方寸七日三○又方 取白馬屎服一升良

治月經不斷方 船茹一斤淨洗河水四升半煮取二升分二服

〔衍義〕石灰黃麻並能散瘀止血且為船茹歲久性純用以填塞罅漏不特取義兼得二物之性也

又方 服地黃酒良

〔衍義〕地黃寒滯得酒之溫散可無膩阻止截之患

又方 服大豆酒佳

〔衍義〕卽大豆紫湯衍義見四卷中風門

又方 燒箕舌灰酒服之○又方 灸內踝下白肉際青脈上隨年壯

孫真人急備千金要方衍義卷四終